

Anjur Jualan Termurah
di setiap parlimen

3

RM1 juta senggara
lapan blok pangaspuri

4

Rosyam Nor duta
usahawan PKNS

6

RM100,000 hadiah
peniaga cemerlang

8

selangorkini

PERCUMA

PP 19570/07/2020 (035196)

EDISI 29 FEBRUARI - 6 MAC 2024

www.selangorkini.my

Sultan: Beri khidmat terbaik demi rakyat

BERWAKAF SECARA BULANAN KINI LEBIH MUDAH MELALUI DIRECT DEBIT



IMBAS UNTUK MENDAFTAR
mudah • pantas • selamat

Mendaftar sekali sahaja melalui <https://infaqpay.my/go/wakafselangor>. Pengguna akan menerima status BERJAYA melalui e-mel. Potongan akan dibuat setiap 2-5hb atau 22-26hb setiap bulan. Pewakaf akan menerima notifikasi transaksi berjaya melalui e-mel.

NOTA:
Resit Rasmi Sumbangan Wakaf tahun semasa akan diproses pada sukuan pertama tahun berikutnya. Pewakaf perlu mengemasikkan alamat surat-menyurat terkini sebelum tahun berakhir bagi tujuan pengeposan resit rasmi tersebut.

BULAN WAKAF SELANGOR
www.wakafselangor.gov.my
[f](https://www.facebook.com/wakafselangor) [i](https://www.instagram.com/wakafselangor/) [t](https://www.twitter.com/wakafselangor/) [y](https://www.youtube.com/wakafselangor/)




MUKA
9

Duli Yang Maha Mulia Sultan Selangor Sultan Sharafuddin Idris Shah Alhaj bertahat sempena Istiadat Pembukaan Mesyuarat Penggal Kedua Dewan Negeri Selangor di Shah Alam pada 27 Februari 2024. Foto Facebook Selangor Royal Office ►BERITA MUKA 2

pancawarna

Rumah Allah ruang berkecuali, elak sengketa



Sultan Sharafuddin pantau, perhati tindak-tanduk penjawat awam Selangor

9-11

Tidak akan layan cubaan gugat kestabilan politik

Agong titah semua pihak mesti menghormati Kerajaan Perpaduan yang dibentuk

12&13

Kerajaan atur langkah hadapi malapetaka iklim

Pelbagai inisiatif, program dilaksana serap dampak perubahan cuaca dunia

14-16



Kekalkan prestasi kewangan baik

SHAH ALAM - Duli Yang Maha Mulia Sultan Selangor menzahirkan tahniah kepada pentadbiran negeri atas pencapaian prestasi kewangan melebihi sasaran tahun lalu.

Sultan Sharafuddin Idris Shah Alhaj berharap kejayaan itu terus dipertingkat dan Selangor kekal menjadi penyumbang terbesar Keluaran Dalam Negara Kasar (KDNK) negara.

"Bagaimanapun, hasil negeri ini perlulah diurus dengan baik dan dibelanjakan untuk kemakmuran dan kesejahteraan rakyat," titah Baginda pada 27 Februari.

Tahun lalu, rizab negeri melalui Kumpulan Wang Disatukan merekodkan jumlah RM3.561 bilion, kutipan hasil pula mencecah RM2.708 bilion dengan lebihan kewangan RM206 juta.

Sultan Selangor berharap Rancangan Selangor Pertama (RS-1) dilaksana mengikut garis masa ditetapkan terutama membabitkan program kebajikan rakyat dan projek berdampak tinggi.

Giat usaha selesai isu sempadan

SHAH ALAM - Duli Yang Maha Mulia (DYMM) Sultan Selangor menzahirkan penghargaan atas kesungguhan Kerajaan Negeri menyelesaikan isu persempadanan Selangor.

Sultan Sharafuddin Idris Shah Alhaj mahu pihak berkaitan berusaha lebih giat bagi memuktamadkan perkara itu berikutan kejayaan memuktamadkan persempadanan darat dengan Pahang, Negeri Sembilan, Kuala Lumpur dan Putrajaya.

"Beta menzahirkan penghargaan kepada kerajaan beta yang sedang menyelesaikan isu persempadanan Selangor.

"Maka, usaha yang lebih giat perlu dilaksanakan oleh semua pihak berkaitan yang terlibat bagi mengesahkan dan memuktamadkan pula isu persempadanan negeri yang masih perlu diselesaikan," titah Baginda pada 27 Februari.

IMBAS DI SINI
akbar digital minggu lepas

Gembira usaha ringan beban rakyat

SHAH ALAM - Duli Yang Maha Mulia (DYMM) Sultan Selangor menzahirkan kegembiraan terhadap usaha dan inisiatif Kerajaan Negeri dalam mengurangkan kesan kenaikan tarif air.

Sultan Sharafuddin Idris Shah Alhaj bertitah usaha itu dilihat menerusi inisiatif Kerajaan Negeri yang menanggung kos bagi penerima air percuma Skim Air Darul Ehsan (SADE), sekolah, masjid, surau dan rumah ibadat.

"Kos tanggungan kerajaan beta akan

meningkat kepada anggaran RM37.7 juta setahun namun usaha ini meringankan beban rakyat beta dan merupakan manifestasi terhadap keprihatinan kerajaan," titah Baginda sempena istiadat pembukaan Dewan Negeri Selangor pada 27 Februari.

Sultan Sharafuddin juga menggesa semua pihak memberi kerjasama bagi memastikan proses penggantian paip usang disegerakan.

Titah Baginda, kira-kira 30,500 kilo-

meter (km) paip membekalkan air kepada pengguna di Selangor, Wilayah Persekutuan Kuala Lumpur dan Putrajaya.

"Ketika ini banyak berlaku kejadian paip pecah disebabkan paip usang, tekanan berlebihan ke atas paip dan juga vandalism.

"Untuk menaik taraf rangkaian paip, kerajaan beta telah menyatakan komitmen menggandakan kadar penggantian paip daripada 150km setahun kepada 300km setahun," titah Baginda.

Agong titah tunggu pilihan raya

Usah ganggu gugat kestabilan politik

Oleh SUHAILA SHAHRUL ANNUAR

SHAH ALAM - Yang di-Pertuan Agong Sultan Ibrahim menegaskan Baginda tidak akan melayan sebarang permintaan mana-mana pihak yang cuba mengganggu gugat kestabilan politik negara.

Baginda dalam Istiadat Pembukaan Mesyuarat Pertama Penggal Ketiga Parlimen Ke-15 bertitah semua pihak mestilah menerima kenyataan dan menghormati Kerajaan Perpaduan yang dibentuk.

"Jika ada yang hendak bermain politik, tunggulah masa pilihan raya akan datang. Semua pihak sedia maklum keutamaan saya adalah keadaan hidup

lebih 33 juta rakyat Malaysia di luar sana.

"Oleh itu, saya berharap semua ahli Yang Berhormat akan menumpukan usaha untuk membela nasib hidup mereka bukannya untuk kepentingan parti politik atau diri sendiri," titah Baginda.

Seri Paduka bertitah demikian dalam titah sulung sebagai Yang di-Pertuan Agong dalam istiadat pembukaan penggal ketiga parlimen ke-15 pada 26 Februari. Perbahasan dijadual hingga 14 Mac.

Sultan Ibrahim juga mengingatkan parlimen tempat penggubal berhimpu untuk membuat peraturan dan tidak masuk akal jika mereka sendiri gagal mematuhi undang-undang.

"Saya harap semua ahli dewan tunjukkan contoh teladan baik apabila

berada di dewan yang mulia ini. Jaga adab dan tatatertib serta gunakan tutur kata sopan, bukannya memaki hamun orang lain.

"Kalau tengok perangai ahli dewan sebelum ini, saya pun rasa malu hendak masuk ke dewan ini," titah Baginda.

Baginda turut bertitah yang di-per tua Dewan Rakyat dan Dewan Negara mesti menjalankan tugas dengan tegas untuk memastikan semua pihak mematuhi peraturan sepanjang tempoh persidangan.

"Saya beri 'green light' (lampu hijau) kepada Speaker untuk ambil tindakan kepada ahli-ahli yang melampaui batas boleh kenakan 'ban' (halang) 14 hari jika ada yang degil," titah Baginda.

TEKS PENUH MUKA 12 & 13

Tumpu sektor semikonduktor

SHAH ALAM - Sektor semikonduktor antara tumpuan pentadbiran negeri dalam usaha meningkatkan pembangunan ekonomi Selangor tahun ini, kata Dato' Menteri Besar.

Dato' Seri Amirudin Shari menjelaskan pihaknya bertemu dengan pemain industri utama dari China dan Taiwan, dengan perincian pendekatan baharu

itu akan diumum kelak.

"Sebelum ini, kita tumpukan dua aspek pembangunan iaitu sektor pembuatan yang menyumbang kepada 30 peratus ekonomi selain sektor perkhidmatan."

"Tahun ini, Selangor tidak boleh ketinggalan dan kita akan fokus kepada sektor semikonduktor yang semakin

berkembang," katanya dalam sidang Dewan Negeri Selangor pada 28 Februari.

Menjawab soalan wakil rakyat Pelabuhan Klang Azmizam Zaman Huri, beliau berkata Kerajaan Negeri juga sedang meneliti sekitar Petaling Jaya untuk penubuhan pusat data dengan Seksyen 50 dan 51 menjadi pilihan bagi memperluas sektor berkenaan.

Perpaduan kaum tarik minat pelabur

SHAH ALAM - Persekitaran stabil dan harmoni dalam kalangan masyarakat berbilang kaum antara faktor tarikan pelaburan sekali gus menawarkan peluang kerja bergaji tinggi kepada anak muda.

EXCO Pelaburan Ng Sze Han menjelaskan data menunjukkan kelompok pelabur bukan sahaja bertapak setahun dua di negeri ini sebaliknya dalam jangka masa panjang.

"Setakat September tahun lalu, Selangor merekod pelaburan RM41.5 billion merangkumi RM16.9 billion dalam sektor pengilangan dan RM24.6 billion sektor perkhidmatan," katanya.

Beliau berkata demikian dalam kenyataan sempena sambutan Tahun Baru Cina 2024 peringkat negeri pada 24 Februari.

Duli Yang Maha Mulia (DYMM) Sultan Selangor Sultan Sharafuddin Idris

Shah Alhaj dan DYMM Tengku Permaisuri Hajah Norashikin turut mencemar duli. Hadir sama, Dato' Menteri Besar Dato' Seri Amirudin Shari.

Sze Han menambah hubungan antara kaum yang menghasilkan kemakmuran dan rasa kebersamaan juga mengelakkan mana-mana kelompok untuk menimbulkan sebarang keresahan mahupun kecurigaan seterusnya mengekalkan keharmonian.



PRIHATIN... Duli Yang Maha Mulia Tengku Permaisuri Selangor Tengku Permaisuri Hajah Norashikin diiringi Yang Dipertua Pekawanis Datuk Seri Masdiana Muhamad (dua, kiri) berkenan melawat pesakit kencing manis Siti Khomisah Keling (kanan) ketika Ziarah Kasih Pekawanis bersama Tengku Hajah Permaisuri Selangor ke Anjung Utara Selangor di Sungai Air Tawar, Sabak Bernam pada 22 Februari. Foto AHMAD ZAKKI JILAN ► BERITA MUKA 8

Tahan tiga bulan

Bina gudang bekalan makanan

Oleh **SOFIA NASIR**

KUALA SELANGOR - Selangor menjadi negeri pertama mewujudkan simpanan bekalan makanan yang memiliki daya tahan sehingga tiga bulan.

Dato' Menteri Besar Dato' Seri Amirudin Shari berkata peruntukan RM50 juta disediakan bagi memastikan bekalan makanan antaranya beras, ayam, daging dan ikan sentiasa terjamin.

Menurut beliau simpanan dimulakan dengan penanaman jagung demi memastikan bekalan makanan ternakan

iaitu bijirinya mengurangkan kebergantungan terhadap import.

"Kita juga akan menyimpan makanan seperti beras, ayam, ikan daging untuk rakyat. Kalau ia berjaya kita akan daya tahan sehingga tiga bulan sekiranya berlaku krisis," katanya.

Beliau berkata demikian ketika merasmikan program Jualan Termurah Madani peringkat Parlimen Tanjong Karang di Pusat Khidmat Masyarakat Tanjong Karang di sini pada 25 Februari.

Turut hadir, EXCO Pelancongan Ng Suee Lim, Ahli Parlimen Tanjong Karang Datuk Dr Zulkafperi Hanapi dan

Ketua Pegawai Eksekutif Menteri Besar Selangor (Pemerbadanan) Saipolyazan M Yusop.

Amirudin juga menambah pentadbiran negeri juga mahu membina gudang khas bagi menempatkan bekalan makanan yang dijual pada program jualan murah bagi memastikan kesinambungannya.

"Jualan ini bergabung dengan stok makanan kita. Saya akan bincang dengan Majlis Tindakan Sara Hidup Negara (NACCOL) supaya ia tidak membazir dan digunakan tepat waktu," katanya lagi.

Jualan Termurah setiap parlimen

dicadangkan di setiap parlimen, sekurang-kurangnya sekali dalam tahun ini," katanya.

Amirudin menjelaskan formula pelaksanaan program tersebut diyakini tidak melibatkan perbelanjaan subsidi yang terlalu besar selain tidak mengganggu aliran sedia ada.

Beliau menambah jualan murah berkenaan juga menyediakan pelbagai barang keperluan asas dengan potongan harga antara 30 hing-

ga 60 peratus lebih rendah berbanding pasaran.

Sebelum itu, Amirudin berkata Selangor menjadi negeri pertama mewujudkan simpanan bekalan makanan yang dijangka memiliki daya tahan sehingga tiga bulan.

Dato' Menteri Besar berkata Kerajaan Negeri memperuntuk RM50 juta bagi mewujud keterjaminan makanan membabitkan bekalan makanan seperti beras, ayam, daging dan ikan.

Beliau menjelaskan jualan tersebut akan digabungkan dengan Jualan Ehsan Rakyat (JER) hasil kerjasama Majlis Tindakan Sara Hidup Negara (NACCOL).

"Saya akan pertemukan Perbadanan Kemajuan Pertanian Selangor dan NACCOL untuk bincang. Jualan ini

31 dilantik anggota institusi Islam

SHAH ALAM - Duli Yang Maha Mulia Sultan Selangor Sultan Sharafuddin Idris Shah Alhaj berkenan melantik dan mengurnikan watikah kepada 31 anggota institusi Islam bagi sesi 2024 hingga 2026.

Mereka ialah empat anggota Majlis Agama Islam Selangor (Mais) iaitu Setiausaha Kerajaan Negeri Dato' Setia Haris Kasim, Datuk Paduka Norazlina Zakari, Prof Madya Dr Khadijah Mohd Khambali@Hambali serta Prof Madya Dato' Dr Mohd Farid Ravi Abdullah.

Baginda juga berkenan melantik Mufti Selangor Prof Madya Dato' Setia Dr Anhar Opir serta timbalannya Prof Madya Dato' Dr Miszairi Sitiris sebagai ahli jawatankuasa fatwa negeri bersama 12 individu lain pada 23 Februari.

Baginda turut menyerah watikah kepada 11 ahli lembaga pemegang amanah Lembaga Zakat Selangor manakala Dato' Mohd Shukor Shabudin menyertai panel tetap hakim mahkamah rayuan syariah dan Mohd Zakian Dio sebagai hakim mahkamah tinggi syariah negeri.

Serah sumbangan anak yatim

HULU SELANGOR - Duli Yang Teramat Mulia (DYTM) Raja Muda Selangor berkenan menyerahkan sumbangan RM16,500 kepada 55 anak yatim di Masjid Jamek Ar-Rahimah, Kuala Kubu Bharu di sini.

Setiap anak yatim menerima RM300 hasil bantuan yang disediakan pejabat EXCO Perpaduan, Pejabat Daerah dan Tanah Hulu Selangor serta Orang Besar Daerah dalam majlis pada 23 Februari.

Tengku Amir Shah turut berkenan menghulur bantuan membaik pulih rumah dan perubatan daripada Lembaga Zakat Selangor kepada empat asnaf serta Surau Al-Khairiah Jalan Adenium 4 di sini.

Baginda juga berkenan menyampaikan sumbangan wang tunai kepada 10 masjid dan surau sekitar daerah ini.

Teruskan kerja turapan jalan

KUALA SELANGOR - Kerajaan Negeri giat meneruskan kerja naik taraf jalan raya rosak seluruh Selangor demi keselesaan dan keselamatan rakyat.

EXCO Infrastruktur Ir Izham Hashim berkata kerja pembinaan bukan sahaja membabitkan tampilan tetapi merangkul semua aspek termasuk mengenal pasti jalan yang kritis.

"Di Selangor separuh daripada ratusan jalan raya telah tamat tempoh hayatnya. Tempoh hayat sesebuah jalan 20 hingga 25 tahun.

"Kita boleh baiki tetapi tidak semua dan ia berperingkat. Buat masa ini, kita akan kenal pasti jalan yang kritis untuk dinaik taraf," katanya.

RM1 juta selenggara blok pangsapuri

AMPANG JAYA - Peruntukan RM1 juta disediakan bagi membaik pulih lapan blok pangsapuri kos rendah di Pandan Indah seiring matlamat mewujudkan kediaman bertingkat yang selesa.

Dato' Menteri Besar Dato' Seri Amirudin Shari berkata inisiatif bawah Skim Ceria tersebut membuktikan kesungguhan bagi meningkatkan martabat setiap rakyat tanpa ada yang terpinggir.

"Peruntukan RM1 juta ini akan diputus sama ada untuk pembaikan atau naik taraf aspek kritis. Jika tiada, kita tumpukan proses cat semula bangunan dengan kos sedia ada."

"Tahun ini, RM7 juta dibelanja melalui Skim Ceria. Kita berharap usaha ini mewujudkan kediaman selesa dan selamat kepada penduduk pangsapuri kos rendah," katanya pada 24 Februari.

Lebih 5,000 pengunjung menghadiri program Rewang Komuniti Strata 2024 itu yang memuatkan pelbagai acara menarik termasuk pameran agensi kerajaan, sukan rakyat dan melaah daging.

Operasi dua pakej SJAM awal April

KUALA SELANGOR - Dua daripada empat pakej projek Skim Jaminan Air Mentah (SJAM) bagi menangani isu bekalan air di Lembah Klang dan Putrajaya dijangka beroperasi awal April, kata EXCO infrastruktur.

Ir Izham Hashim berkata kerja pembekalan, pemasangan, pengujian dan pentaulihan sistem pengepaman di muka sauk loji rawatan air (LRA) Rantau Panjang, Kuala Selangor dan Sungai Semenyih, Jenderam Hilir kini mencapai lebih 90 peratus.

"Dua pakej ini kita jangka beroperasi Mac ini atau selewatnya awal April. Manakala, dua lagi pakej yang dilaksana di Bestari Jaya, Kuala Selangor pula dijangka siap sepenuhnya pada Ogos depan."

"Pelaksanaan projek SJAM ini membantu menyelesaikan masalah gangguan bekalan air jika berlakunya pencemaran kerana 67 peratus bekalan air penduduk di Selangor bergantung kepada LRA Semenyih, Rantau Panjang dan Sungai Selangor Fasa 1, 2 dan 3," katanya pada 26 Februari.

SJAM yang dirasmikan Dato' Menteri Besar Dato' Seri Amirudin Shari tahun lalu membabitkan empat pakej merangkumi proses pengepaman, pembinaan rumah pam, kolam takungan dan lengongan sungai dengan peruntukan RM332 juta.

RM50,000 bantu persatuan mahasiswa

SHAH ALAM - Dana RM50,000 disediakan untuk Persatuan Mahasiswa Selangor (PERMAS) bertujuan merancakkan lagi pengajuran program pada peringkat universiti, kata Dato' Menteri Besar.

Dato' Seri Amirudin Shari berkata peruntukan itu juga dapat menampung perbelanjaan perwakilan PERMAS untuk bertemu mahasiswa negeri di seluruh negara sekali gus membela kebajikan mereka.

"Ahli jawatankuasa boleh turun berjumpa mahasiswa untuk lihat

kebajikan mereka. Jika ada kesempatan, saya juga turun padang berjumpa jawatankuasa PERMAS seluruh negara," katanya.

Beliau berucap ketika merasmikan penutupan Konvensyen Mahasiswa Selangor selama dua hari yang disertai 200 mahasiswa Selangor daripada 16 institusi pengajian tinggi awam pada 24 Februari.

Amirudin percaya konvensyen itu membentuk pemikiran melalui sesi di-

alog, telaah dan memahami peredaran zaman pada masa ini sekali menambah baik dasar sedia ada pentadbiran negeri.

"Yang penting bukanlah kertas kerja atau pencapaian tetapi kemauhan ditunjukkan mahasiswa dalam mengetengah minat berfikir untuk negara," katanya.

Menjelaskan Konvensyen Mahasiswa Timur Tengah di Amman, Jordan bakal diteruskan pada tahun ini, beliau berkata Selangor negeri pertama menganjurkan konvensyen sedemikian.

Sultan bersyukur syiar Islam tertegak

Elak heret sengketa ke masjid, surau

Oleh FITRI HAZIM HAZAM

SHAH ALAM - Institusi masjid dan surau perlu berkecuali dan aman daripada sebarang persengketaan serta perbalahan di sekelilingnya, titah Duli Yang Maha Mulia Sultan Selangor.

Sultan Sharafuddin Idris Shah Alhaj bertitah rumah Allah tempat untuk umat Islam beribadat, mencari ketenangan, membersihkan jiwa dan meningkatkan tuntutan silaturahim sesama ummah.

"Sehubungan dengan itu, perlu dielakkan sama sekali unsur pencetus permusuhan dan perpecahan yang berlaku di luar daripada berlaku dalam mas-

jid," titah Baginda pada 27 Februari.

Baginda dalam istiadat pembukaan sidang Dewan Negeri Selangor juga bersyukur berikutan syiar Islam terus ditegakkan melalui pelbagai bentuk kegiatan pengimaranan masjid dan surau.

Titah Baginda, institusi itu perlu diurus secara profesional, adil dan telus serta mematuhi Garis Panduan Pengurusan Kewangan, Perolehan dan Aset Masjid dan Surau berkuat kuasa Januari lalu.

"Pentadbir perlu sentiasa mendengar dan responsif kepada keperluan jemaah dengan menggunakan sebaik-baiknya kutipan sumbangan sedekah bagi menjamin keselesaan beribadah," titah Baginda.

Sultan Sharafuddin juga gembira atas usaha Kerajaan Negeri memperkuuh insentif haji sejak tahun lalu dengan memberi tajaan penuh kepada empat jemaah tidak berkemampuan setiap daerah.

Pada 16 Februari, Baginda selaku Pengerusi Majlis Kebangsaan Bagi Hal Ehwal Agama Islam Malaysia (MKI) menegur pihak yang menjadikan isu agama sebagai bahan politik sejak beberapa dekad.

Sultan Selangor turut mengingatkan semua ahli politik supaya tidak mengambil kesempatan mempolitisir setiap isu agama hingga membawa persengketaan yang tiada berkesudahan.

TEKS PENUH MUKA 9, 10 & 11

Peluang tanam tembikai hidroponik

AMPANG JAYA - Dato' Menteri Besar Dato' Seri Amirudin Shari mengajak pemilik tanah persendirian dan kebun komuniti supaya menceburu penanaman tembikai berkoncep hidroponik.

Katanya, pentadbiran negeri juga sedia bekerjasama memberi latihan dan panduan berkaitan penanaman itu melalui Program Agrobandar Tanaman Melon yang dilancarkan 24 Februari.

Menjelaskan tanaman tersebut berpotensi tinggi berikutnya banyak

permintaan, beliau juga memberitahu projek rintis itu diusahakan di tanah seluas 8,000 kaki persegi di Pandan Indah.

"Ia dijadikan pusat contoh dan kajian sebagai projek rintis tanaman tembikai di tempat lain. Penanaman itu bawa hasil lumayan, tuaian mengambil masa lebih kurang dua bulan," katanya.

Beliau berucap dalam majlis perasmian yang turut dihadiri EXCO Pertanian Ir Izham Hashim dan EXCO Perumahan Borhan Aman Shah.

Ir Izham pula menambah pihaknya bercadang untuk memperluas projek penanaman itu lantaran ia memberi pulangan lumayan melalui modal RM30,000 dan hasil jualan sehingga RM120,000.

"Ada beberapa kaedah yang boleh dibuat. Namun, kita mahu ia menggunakan kaedah sama bagi menghasilkan saiz dan mutu buah terbaik."

"Dengan adanya program rintis ini, ia membolehkan lebih ramai pengusaha mendapat latihan dan panduan seterusnya menjana pendapatan," katanya.

Hulu Selangor, Gombak, Petaling, Shah Alam, Hulu Langat dan Sepang

	Imsak	Subuh	Syuru'	Zuhur	Asar	Maghrib	Isyak
29 Khamis	6:07	6:17	7:23	1:28	4:44	7:29	8:38
01 Jumaat	6:06	6:16	7:22	1:28	4:43	7:29	8:38
02 Sabtu	6:06	6:16	7:22	1:28	4:42	7:29	8:38
03 Ahad	6:06	6:16	7:22	1:28	4:42	7:28	8:38
04 Isnin	6:06	6:16	7:21	1:28	4:41	7:28	8:37
05 Selasa	6:05	6:15	7:21	1:27	4:41	7:28	8:37
06 Rabu	6:05	6:15	7:21	1:27	4:40	7:28	8:37

Klang dan Kuala Langat

Imsak	Subuh	Syuru'	Zuhur	Asar	Maghrib	Isyak
6:07	6:17	7:24	1:29	4:44	7:30	8:39
6:07	6:17	7:23	1:29	4:43	7:30	8:39
6:06	6:16	7:23	1:29	4:42	7:29	8:39
6:06	6:16	7:23	1:28	4:42	7:29	8:38
6:06	6:16	7:22	1:28	4:41	7:29	8:38
6:06	6:16	7:22	1:28	4:41	7:29	8:38
6:05	6:15	7:22	1:28	4:40	7:29	8:38



Sabak Bernam dan Kuala Selangor

Imsak	Subuh	Syuru'	Zuhur	Asar	Maghrib	Isyak
6:09	6:19	7:24	1:31	4:46	7:31	8:40
6:09	6:19	7:24	1:31	4:45	7:31	8:40
6:09	6:19	7:24	1:30	4:45	7:31	8:40
6:08	6:18	7:24	1:30	4:44	7:31	8:40
6:08	6:18	7:23	1:30	4:44	7:31	8:40
6:08	6:18	7:23	1:30	4:43	7:31	8:40
6:08	6:18	7:23	1:30	4:42	7:30	8:39



Tengku Amir Shah menyampaikan sumbangan kepada anak-anak yatim sempena Program Ekplorasi Gagasan Rum-pun Selangor daerah Hulu Selangor 2024 di Masjid Jamek Ar-Rahimah, Kuala Kubu Bharu pada 23 Februari. Foto MOHD KHAIRUL HELMY MOHD DIN

Tunjang pembangunan ekonomi

Usaha perkukuh perpaduan

Oleh SUHAILA SHAHBUL ANNUAR

HULU SELANGOR - Gagasan Rum-pun Selangor menjadi kerangka penting dalam memperkuuh perpaduan rakyat sedia ada sekali gus menjamin pembangunan sosioekonomi penduduk di negeri ini.

Dato' Menteri Besar Dato' Seri Amirudin Shari percaya keutuhan perpaduan asas utama kestabilan seterusnya melonjakkan ekonomi negeri untuk dinikmati segenap lapisan rakyat.

"Walaupun berbeza warna kulit, fahaman dan kepercayaan tetapi matlamat dihalatujukan atas satu lansaran iaitu Kita Selangor.

"Gagasan ini kesinambungan pengisian Kita Selangor yang menjadi payung dan kerangka untuk mengukuhkan perpaduan," katanya ketika merasmikan program itu di Hulu Selangor pada 22 Februari.

Dalam majlis tersebut, Duli Yang Teramat Mulia Raja Muda Selangor Tengku Amir Shah berkenan melancarkan logo rasmi Gagasan Rumpun Selangor.

Amirudin menambah kerangka itu juga menjadi matlamat baharu demi melahirkan masyarakat yang berjuang memperkasa semangat nasionalisme

dengan mewujudkan kebersamaan dalam kepelbaqaian.

"Gagasan Rumpun Selangor bertujuan memastikan kekayaan dan hasil negeri dinikmati bersama tanpa wujud kecurigaan atau perbalahan yang memungkinkan wujudnya elemen pemecah belah.

"Gagasan ini memberi suntikan bagi melahirkan semangat nasionalisme ibarat seohon pokok, banyak ranting dan pucuknya tetapi akhirnya kita berkongsi akar dan aspirasi sama," katanya.

Sementara itu, program berkenaan diteruskan ke lapan daerah lagi demi memupuk semangat perpaduan segenap lapisan masyarakat, kata EXCO Perpaduan Datuk Rizam Ismail.

Beliau juga menegaskan Selangor jantung perpaduan negara yang menjadi paksi kepelbagaian rakyat daripada pelbagai negeri, agama, etnik dan budaya, ibarat Mini Malaysia.

"Negeri ini bukan hanya penyumbang utama ekonomi negara tetapi menjadi paksi kepelbagaian masyarakat dari pelbagai negeri, agama, etnik dan budaya.

"Justeru, bukan hanya perlu kuat ekonominya tetapi Selangor juga menjadi teras pembinaan naratif perpaduan yang menyatupadukan masyarakat pelbagai kaum," katanya.

Tengku Amir sertai gotong-royong

HULU SELANGOR - Duli Yang Teramat Mulia Raja Muda Selangor Tengku Amir Shah berkenan mencemar duli ber-gotong-royong bersama rakyat di Alor Lempah, Ampang Pechah di sini.

Kegiatan kira-kira satu jam itu disertai hampir 300 individu termasuk pelajar Institut Kemahiran Belia Negara (IKBN) Peretak dan Kolej Darul Quran selain kakitangan agensi negeri.

Dalam program Ekplorasi Gagasan Rumputun Selangor pada 23 Februari, Baginda menunaikan solat subuh di Masjid Warisan Al-Hidayah, Taman Ampang Pechah dan bersolat Jumaat di Masjid Jamek Ar-Rahimah Kuala Kubu Bharu.

EXCO Perpaduan Datuk Rizam Ismail dan Yang Dipertua Majlis Perbandaran Hulu Selangor Mohd Hasry Nor Mohd turut hadir menjayakan program berkenaan.

Pelajar Kolej Darul Quran Muhammad Muaz Jamal, 21, yang menyertai gotong-royong berkenaan menyifatkan unik dan menggembirakan kerana turut disertai Tengku Amir Shah.

"Gotong-royong itu perkara biasa dan memang kami selalu buat tetapi kali ini lain daripada lain apabila Tuanku turut mencemar duli serta program ini. Paling seronok dapat berswafoto dengan Tuanku," katanya.

Program khatan di Sungai Tua meriah

GOMBAK - Kehadiran Dato' Menteri Besar Dato' Seri Amirudin Shari memeriahkan program khatan 75 kanak-kanak di Masjid Jamek Al-Amaniah, Batu Caves di sini.

Program dua hari mulai 24 Februari menyaksikan peserta program Majlis Khatan Perdana terdiri daripada anak kariah masjid berkenaan dan luar kariah.

Acara dengan kerjasama Pejabat Khidmat Masyarakat Dewan Undangan Negeri Sungai Tua itu turut mengadakan kegiatan lain termasuk kaunter kemas kini maklumat Pangkalan Data Utama (Padu).

"Tahniah kepada pengurusan masjid... ini memperlihat contoh mahabbah dalam kita mendekatkan masyarakat dengan masjid yang menjadi ruangan untuk semua," kata Amirudin.

700 solat Subuh Macam Jumaat

KUALA SELANGOR - Lebih 700 jemaah menunaikan ibadah di Masjid Sultan Ibrahim di sini dalam program Solat Subuh Macam Jumaat sempena program Madani Rakyat Zon Tengah pada 24 Februari.

Menyifatkan kehadiran orang ramai perkembangan baik berbanding penyerataan sebelum ini, EXCO Agama Dr Fahmi Ngah mahu meneruskan program sama dalam Jelajah Karnival Madani di setiap daerah.

"Solat Subuh Macam Jumaat adalah program kedua kita dalam program Madani Rakyat Zon Tengah di sini.

"Saya gembira melihat kehadiran kira-kira 700 jemaah tanpa mengira latar belakang, berbanding saya difahamkan hanya 30 jemaah sahaja solat subuh pada hari biasa," katanya.

Kejohanan boling kukuh kerjasama

SHAH ALAM - Sebanyak 41 pasukan menyertai Kejohanan Boling Kumpulan Syarikat Worldwide Holdings Berhad (WHD) yang menawarkan hadiah keseluruhan RM2,550 di Sunway Bowl Megalane dekat sini.

Ketua Pegawai Eksekutif Kumpulan Datin Paduka Norazlina Zakaria berkata kejohanan yang kali terakhir diadakan pada 2019 bagi memperkuuh kerjasama dengan pihak berkuasa tempatan, agensi kerajaan dan media.

"Penganjuran semula kejohanan ini tanda penghargaan kepada semua pihak yang membantu urusan kerja dan operasi perniagaan serta memberi sokongan berterusan kepada WHD," katanya pada 24 Februari.

Johan kategori berpasukan milik JPP Strike dari Majlis Bandaraya Diraja Klang (MBDK), Pasukan Padu X dari Unit Perancang Ekonomi Negeri Selangor (naib johan) dan Bernama Digital (ketiga).

Jejambat Saujana Putra dibuka Mei

KUALA LANGAT - Jejambat Bandar Saujana Putra sepanjang 820 meter yang dibina bagi mengatasi kesesakan kawasan sekitar dijangka beroperasi sepenuhnya pada Mei, kata EXCO infrastruktur.

Ir Izham Hashim berkata jejambat yang menghubungkan Lebuhraya Utara Selatan Hubungan Tengah (ELITE) dan Lebuhraya Klang Selatan (SKVE) itu kini mencapai proses pembinaan 95 peratus.

Menurutnya, proses pembinaan giat dijalankan termasuk kerja elektrik

dan turapan yang dijangka selesai dalam masa terdekat diikuti pemeriksaan spesifikasi.

"Pembinaan jejambat ini berlaku sedikit kelewatan berikutan beberapa isu antaranya Perintah Kawalan Pergerakan, kekurangan pekerja, pertukaran reka bentuk dan komplikasi kabel dan utiliti di bawah permukaan jalan perlu dialihkan.

"Kita jangka jejambat dengan kos pembinaan RM53 juta dibuka kepada umum Mei nanti dan membantu daripada segi trafik, mengurangkan ke-

sesakan di persimpangan Bandar Saujana Putra," katanya selepas meninjau projek itu pada 26 Februari.

Dalam pada itu, Ir Izham memaklumkan pihaknya telah bermesyuarat dengan Lembaga Lebuhraya Malaysia (LLM) supaya membina jalan raya yang menyambungkan perumahan dan lebuh raya khusus untuk pembangunan baru.

"Penting untuk membina jalan raya menyambungkan ke lebuh raya kerana jika tiada penduduk akan melalui laluan ke perumahan dan menyebabkan kesesakan," katanya.

Promosi program niaga

Rosyam Nor duta usahawan PKNS

SHAH ALAM - Pelakon dan usahawan terkenal Datuk Rosyam Nor dilantik sebagai Duta Keusahawanan Perbadanan Kemajuan Negeri Selangor (PKNS) berkuat kuasa 1 Disember 2023.



Timbalan ketua pegawai eksekutif (korporat) PKNS berkata pemilihan itu berikutan pengalamannya hampir 20 tahun dalam bidang keusahawanan termasuk menerbitkan filem agro dan peruncitan.

Suhaimi Kasdon menambah Rosyam selaku jurucakap mampu

memberi kesan positif bagi mempromosi kegiatan keusahawanan kepada peniaga di seluruh negara khususnya di Selangor, lapor Bernama.

"Peranan duta keusahawanan ini menjadi penarik khalayak kepada pengikut beliau di samping membuat hebatan program anjuran Bahagian Pembangunan Usahawan (BPU)," katanya.

Suhaimi menyampaikan surat peantikan kepada Rosyam dalam majlis di ibu pejabat PKNS pada 26 Februari. Berterima kasih kepada PKNS,

Rosyam berazam memainkan peranan penting untuk mewujudkan ekosistem keusahawanan dalam pembangunan sektor berkenaan di Selangor.

"Mereka boleh menjadikan saya sebagai contoh kerana saya juga berasal daripada bukan keluarga yang senang tetapi melangkah sebagai seorang usahawan bermula sebagai pelakon."

"Harap pengalaman saya menjadi titik tolak kepada usahawan PKNS serta di luar sana untuk melihat, kalau inginkan kejayaan, tiada halangan kerana mereka (PKNS) sentiasa bantu," katanya.

Usaha tangani perubahan iklim

SHAH ALAM - Usaha menangani perubahan iklim terus dipertingkat termasuk menggunakan sumber tenaga boleh diperbaharui (RE) melalui pemasangan panel solar di bangunan pentadbiran.

EXCO alam sekitar menjelaskan tiga pejabat daerah dan tanah (PDT) selesai memasang kemudahan tersebut diikuti enam PDT lain mulai akhir bulan ini se-

lain bangunan pentadbiran negeri.

Jamaliah Jamaluddin menambah pemasangan sama juga mula dijalankan pada peringkat pihak berkuasa tempatan melibatkan bangunan dan kemudahan termasuk dewan, pasar serta taman awam.

Katanya, Worldwide Holdings Berhad, anak syarikat Kerajaan Selangor, giat

Bersama jaya kempen anak syarikat

SHAH ALAM - Majlis Bandaraya Shah Alam (MBSA) memeterai memorandum persefahaman (MoU) bersama Menteri Besar Selangor (Pemerbadanan) atau MBI di Pusat Konvensyen MBSA pada 26 Februari.

Pengarah Korporat dan Perhubungan Awam MBSA berkata kerjasama tersebut bagi pelaksanaan kempen bersama anak syarikat MBI iaitu Platform Selangor (PLATS) dan Yayasan Hijrah Selangor (Hijrah Selangor).

"Kerjasama ini selaras matlamat Pro-

gram Pembangunan Usahawan @Shah Alam iaitu mewujudkan ekosistem keusahawanan yang holistik dan kondusif bagi menyokong agenda pembangunan keusahawanan negeri.

"Antara aktiviti pelaksanaannya meliputi latihan keusahawanan, mewujudkan peluang perniagaan baharu, penyediaan pembiayaan, pemasaran produk serta penyediaan premis perniagaan strategik," kata Mohd Azhar Mohd Sharif dalam kenyataan.

Majlis menandatangani MoU itu di-

meneroka RE dengan membangunkan ladang solar skala besar terapung di Be-stari Jaya, Kuala Selangor.

"Semua pihak terutama jabatan dan agensi diseru meneroka dan melaksanakan pemasangan panel solar bawah program yang ditawar Pihak Berkua Pembangunan Tenaga Les-tari," katanya.

sempurnakan Datuk Bandar Shah Alam Cheremi Tarman dan Ketua Pegawai Eksekutif MBI Saipolyazan Mat Yusop disaksikan EXCO Pemberdayaan Usa-hawan Najwan Halimi.

Mohd Azhar berkata sebagai permu-laan kerjasama itu, gerai majlis di Alam Impian, Seksyen 35 dijadikan lokasi contoh Gerai Digital dan lokasi sama juga akan diuruskan Hijrah Selangor pada bulan Ramadan selain dijadikan pusat pengumpulan minyak masak terpakai.



BANTU... EXCO Belia Najwan Halimi (empat, kanan) dan Ketua Tanggungjawab Sosial Korporat Menteri Besar Selangor (Pemerbadanan) Ahmad Azri Zainal Nor (lima, kiri) bersama penerima komputer riba di Pusat Khidmat DUN Kota Anggerik, Shah Alam pada 26 Februari. Foto REMY ARIFIN ► BERITA MUKA 23

Jemaah menang pakej umrah RM8,000

5,000 berselawat, alun zikir

Oleh SOFIA NASIR

KUALA SELANGOR - Lebih 5,000 umat Islam mengalunkan zikir dalam program Darul Ehsan Berselawat sempena penganjuran Madani Rakyat Zon Tengah di Stadium Kuala Selangor.

Program pada malam 23 Februari yang menampilkan tokoh agama Habib Ali Zaeenal Abidin turut dihadiri Dato' Menteri Besar Dato' Seri Amirudin Shari.

Majlis tersebut dimulai solat Maghrib diikuti selawat oleh kumpulan Nur Ahli Badar serta ceramah mengenai ciri-ciri golongan beriman pimpinan Habib Nael Ben Taher dan Habib Najmuddin Al-Khered.

"Darul Ehsan Berselawat akan diteruskan ke seluruh daerah tahun ini untuk menyuburkan jiwa-jiwa umat Islam di negeri ini," kata Amirudin yang mengetuai alunan selawat Asyghil.

Pemenang cabutan bertuah kakitangan kerajaan Rozanna Abdul Latif, 38, pula tidak menyangka membawa pulang hadiah pakej umrah ber-

nilai RM8,000 yang diidamkan sejak sekian lama.

"Saya mungkin akan membawa ibu bersama mengerjakan ibadat umrah atau hadiahkan pakej ini kepadanya. Saya belum buat keputusan kerana masih terkejut," katanya.

Sementara itu, juruteknik Mohd Nazrin Abdul Aziz, 33, sanggup mengambil cuti separuh hari dan sanggup memandu sehingga lebih 80 kilometer untuk mengimarahkan program berkenaan.

Hadir bersama anak sulung Muhd El Akhtar berusia enam tahun, beliau menyertai program selawat anjuran Kerajaan Selangor untuk kali keempat dan berhasrat untuk terus menyertai majlis sama.

"Saya tidak menyewa hotel di sini. Saya ambil cuti separuh hari dan akan memandu pulang ke Cyberjaya selepas tamat acara. Saya dan keluarga memang suka hadir ke program kerohanian."

"Saya harap ia dapat dianjurkan selalu kerana majlis keagamaan seperti ini amat diperlukan rakyat. Saya pasti akan cari masa untuk datang lagi," katanya.



Pameran udara sasar RM1.3 bilion

PETALING JAYA - Pameran Udara Selangor (SAS) 2024 diteruskan tahun ini dengan sasaran potensi nilai transaksi berjumlah RM1.3 bilion.

EXCO Pelaburan Ng Sze Han berkata program pada 12 hingga 14 September di Skypark RAC, Shah Alam menyasar 25,000 pengunjung berbanding 19,217 tahun lalu.

"SAS 2024 akan membawa pelbagai program dan aktiviti menarik termasuk menyediakan segmen baharu seperti teknologi angkasa lepas serta segmen cari dan menyelamat bagi nilai tambah pameran kepada pengunjung."

"Selain itu, pameran udara anjuran Invest Selangor ini juga akan disertai 45 negara antaranya Singapura, Korea, China dan Denmark," katanya dalam sidang media SAS 2024 di Hotel Sheraton di sini pada 26 Februari.

Sze Han berkata pemain industri yang berminat untuk menyertai program tersebut boleh hubungi e-mel Sekretariat SAS di enquiry@selangoraviationshow.com sebelum 31 Mei untuk menikmati lima peratus diskau awal.

Peserta pameran yang menyertai pameran udara sebelum itu juga boleh menikmati potongan harga sebanyak 10 peratus.

KILANG BERKEMBAR

3 TINGKAT Untuk Dijual



PERDANA
INDUSTRIAL PARK

@ PUCHONG



* Gambar adalah untuk tujuan ilustrasi sahaja

BUMIPUTERA DISKAUN 10%

Keluasan Tanah dari 9,100 k.p.

Keluasan Binaan 7,585 k.p.

Harga dari
RM4,980,000.00

016-661 1794

Tapak Projek



2.9438611,
101.6018333



- Berhadapan dengan jalan utama
- Lokasi yang strategik
- Berdekatan dengan Cyberjaya, Putrajaya dan Pusat Bandar Puchong
- Dikelilingi dengan kedai, sekolah, restoran, stesen minyak, klinik, pusat membeli-belah dan lain-lain kemudahan awam

Pejabat Jualan :
GF-13, IOI Business Park, No.1, Persiaran Puchong Jaya Selatan, Bandar Puchong Jaya, 47100 Puchong, Selangor.

Gambar merupakan karya pelukis semata-mata dan semua ukuran adalah secara anggaran. Informasi yang terkandung di sini adalah tertakluk kepada perubahan dan tidak boleh dianggap sebagai

daripada sesuatu tawaran atau kontrak. Pemaju tidak boleh dipertanggungjawabkan jika terdapat sebarang bantuan yang tidak tepat.

Kunjungi Pasar Budaya Palong

SABAK BERNAM - Duli Yang Maha Mulia Tengku Permaisuri Selangor Tengku Permaisuri Hajah Norashikin berkenan merasmikan Pasar Budaya Palong di Parit 8, Sungai Panjang di sini.

Baginda meluangkan masa mengunjungi 19 gerai jualan pelbagai produk yang menjadi identiti penduduk tempatan selain mencuba kuih tradisional seperti loyang, dodol dan punten.

Yang Dipertua Pertubuhan Kebajikan dan Amal Wanita Selangor Datin Seri Masdiana Muhamad dan Ketua Pegawai Eksekutif Menteri Besar Selangor (Pembadan) Saipolyazan M Yusop turut mengiringi keberangkatan Baginda pada 22 Februari.

Pasar Budaya Palong yang dikenali sebagai pasar klasik digital berdaftar bawah Platform Selangor (PLATS) beroperasi pada setiap Sabtu.

Kebajikan untuk semua masyarakat

SABAK BERNAM - Pertubuhan Kebajikan dan Amal Wanita Selangor (Pekawanis) menjalankan pelbagai program kebajikan merangkumi semua kelompok termasuk kanak-kanak dan ibu tunggal.

Yang Dipertua Datin Seri Masdiana Muhamad berkata pertubuhan tersebut menyediakan dana RM130,440 untuk program Kembali ke Sekolah yang memanfaatkan 860 pelajar pada tahun lalu.

Katanya, peruntukan RM188,700 disediakan kepada 1,020 ibu tunggal sempena Tahun Baharu Cina manakala agihan bubur lambuk dan program Darul Ehsan Berselawat diadakan pada Ramadan.

"Pekawanis sentiasa prihatin menganggarkan program kebajikan tanpa mengira latar belakang, kaum, agama dan fahaman politik," kata beliau ketika ditemui pada 23 Februari.

Daftar saringan anak istimewa

SHAH ALAM - Ibu bapa yang memiliki anak berkeperluan khas dipelawa menyertai program saringan awal percuma anjuran Jabatan Anak Istimewa Selangor (ANIS) yang dibuka sepanjang tahun.

Program itu disediakan doktor dan pakar bertauliah untuk memeriksa kanak-kanak yang mengalami kelewatan perkembangan sekali gus menghindar kebimbangan ibu bapa terhadap anak mereka.

"Ibu ayah jangan risau. Kenali potensi anda dengan ujian saringan perkembangan kami," menurut kenyataan ANIS di Facebook pada 22 Februari.

Peserta yang layak dihubungi bagi menghadiri janji temu. Pendaftaran boleh dibuat menerusi pautan www.anisselangor.com/saringan. Dokumen lengkap perlu dihantar ke pejabat Yayasan Warisan Anak Selangor.

Ujian percuma mudahkan pengunjung

KUALA SELANGOR - Saringan kesihatan percuma yang ditawarkan Kerajaan Negeri melalui Selcare pada Program Madani Rakyat Zon Tengah menarik minat pengunjung untuk menjalani proses itu.



Suri rumah Husna Razali, 29, menyifatkan tawaran pelbagai jenis saringan memudahkan orang ramai tanpa perlu ke klinik yang mengambil masa lama selain menjimatkan kos.

"Pelbagai jenis saringan ada. Saya memeriksa mata, telinga, fizikal serta ambil sampel darah. Inisiatif ini wajar dipuji kerana rakyat tidak dikenakan apa-apa bayaran, prosesnya cepat."

"Tambah pula, saya lama tidak buat pemeriksaan kesihatan. Bimbang juga jika ada penyakit yang kita tidak tahu, jadi lebih baik buat pemeriksaan," katanya menetap di Tanjung Karang.

Asyraf Alias, 25, juga menganggap inisiatif tersebut membantu orang ramai khususnya golongan kurang berkelebihmampuan untuk mengesan risiko penyakit lebih awal.

"Sekarang kos pemeriksaan di klinik swasta dan hospital agak mahal. Mereka yang susah tentu tidak mampu menanggung bil, jadi yang disediakan di sini perlu dimanfaatkan," katanya yang bekerja sendiri.



Pada 2022, Selangor Saring diperkenalkan bagi mengesan penyakit lebih awal dengan menyasarkan individu ada sejarah perubatan keluarga, obesiti dan mengamalkan gaya hidup tidak sihat.

Dalam Belanjawan Selangor 2024, peruntukan RM3.2 juta disediakan bagi meneruskan program tersebut yang meliputi pemeriksaan asas kesihatan.

Ia antaranya pemeriksaan fizikal, pengambilan sampel darah dan air kencing selain saringan awal barah bagi mengeсан barah kolorektal, prostat, pangkal rahim dan payudara.

Saringan tambahan adalah pemeriksaan gigi, mata, telinga dan fisioterapi.

Anugerah peniaga e-dagang kesembilan

RM100,000 hadiah usahawan cemerlang

Oleh NORRASYIDAH ARSHAD

SHAH ALAM - Anugerah Peniaga e-Dagang Utama Malaysia (Top ECM) anjuran Perbadanan Teknologi Maklumat Ekonomi Digital Selangor (Sidec) yang mewarkan ganjaran bernilai RM100,000 diteruskan untuk kali kesembilan.



Ketua Pegawai Eksekutif Sidec Yong Kai Ping menjelaskan pendaftaran untuk anugerah berprestij sejak 2016 yang bertujuan mengiktiraf usahawan dibuka sehingga 29 Februari.

Beliau menambah pihaknya

menambah beberapa elemen baharu bertujuan memperkasa pengetahuan dan kemahiran peserta sekali gus mampu meningkatkan perniagaan mereka dalam penganjuran kali ini.

Katanya, elemen berkenaan antaranya penumpuan kepada teknik penstriman, penciptaan kandungan kecerdasan buatan, strategi pemasaran dan lawatan industri.

"Peserta dapat menimba pengalaman dan pengetahuan berharga," katanya dalam majlis pelancaran Top ECM 2024 yang disempurnakan EXCO Usahawan Najwan Halimi pada 22 Februari.

Menurut Kai Ping, Affin Bank terus menjadi penaja utama untuk kali kelima berturut-turut selain mengadakan kerjasama strategik dengan Lazada, Razer Merchant Service dan Shopline.

Najwan pula menjelaskan penganjuran Top ECM edisi ini melibatkan kategori utama, kategori Selangor, kategori khas Affin Bank, kategori khas Lazada serta anugerah khas Affin Bank.

"Anugerah Top ECM memainkan peranan penting dan berfungsi sebagai platform dalam pembangunan ekonomi. Ini juga usaha memperkasa golongan usahawan," katanya.

Maklumat lanjut pertandingan boleh diikuti menerusi pautan www.sidec.com.my/topecm/

RM52,000 jayakan Ziarah Medik

SABAK BERNAM - Seramai 210 pesakit kronik terlantar di seluruh negeri bakal menerima bantuan keseluruhan RM52,000 dalam program Ziarah Medik yang memasuki tahun ketiga pengajian.

Yang Dipertua Pertubuhan Kebajikan dan Amal Wanita Selangor (Pekawanis) Datin Seri Masdiana Muhamad berkata pihaknya akan mengadakan lawatan ke setiap kediaman pesakit berkenaan.

"Kita sediakan peruntukan sama seperti tahun sebelumnya. Kita tidak sasar ramai kerana kekangan masa, bantuan pula akan disampaikan ahli Pekawanis di daerah masing-masing."

"Menariknya, program kali ini di-

hadiri Duli Yang Maha Mulia Tengku Permaisuri Selangor Tengku Permaisuri Hajah Norashikin. Baginda berkenan sampaikan bantuan wang tunai kepada pesakit," katanya.

Beliau ditemui selepas program tersebut di anjung utara negeri pada 22 Februari. Tengku Permaisuri Hajah Norashikin berkenan mencemar duli bertemu rakyat dalam program dua hari itu.

Sementara itu, pesakit kencing manis Siti Khomisah Keling, 58, menyifatkan Tengku Permaisuri Hajah Norashikin insan berjiwa rakyat dan tidak kekok

beramah mesra dengan penduduk.

"Saya terharu dan bersyukur dapat bertemu dengan Baginda selain dapat bercerita masalah yang dihadapi sejak kehilangan kedua-dua kaki kerana perlu dipotong akibat kencing manis."

"Dengan adanya kunjungan ini, saya harap ada pihak sudi bantu kerana tiga kali seminggu perlu jalani dialisis, semuanya memerlukan kos yang agak tinggi," katanya.



Program berkenaan memberi keutamaan kepada pesakit dari kalangan ibu tunggal dan orang kurang upaya dan golongan berpendapatan rendah.



Hormat
kerajaan
perpaduan
12 & 13



Atasi kesan
perubahan
iklim
14-16



Foto Ahmad Zakki Jilan

Titah ucapan Duli Yang Maha Mulia Sultan Selangor Sultan Sharafuddin Idris Shah Alhaj di istiadat mesyuarat pertama penggal kedua Dewan Negeri Selangor ke-15 pada 27 Februari.

Assalamualaikum Warahmatullahi Wabarakatuh.
Bismillaahir Rahmaanir Rahiim,
Segala puji ke hadrat Allah
Subhanahu Wata’ala kerana dengan kekuasaan-Nya telah mengizinkan beta untuk berangkat menghadiri Istiadat Perasmian Mesyuarat Pertama (Pembukaan) Penggal Kedua Dewan Negeri Selangor Ke-15 pada hari ini.

Pertama-tamanya sukacita beta menyeru kepada seluruh rakyat di negeri Selangor supaya bersyukur di atas segala nikmat keamanan, kesejahteraan dan keselamatan yang telah dikurniakan kepada negeri Selangor ini.

Marilah kita berusaha memperbaiki setiap kekurangan yang ada, memperkuuhkan hubungan baik dan muhibbah sesama rakyat, menghindari persengketaan dan menjauhi segala perbuatan yang boleh membawa kemudarat kepada negeri Selangor terutama amalan rasuah dan penyalahgunaan kuasa.

Beta berharap persidangan mesyuarat Dewan

Negeri Selangor ini seharusnya menjadi contoh terbaik kepada rakyat di luar sana di mana semua perbahasan mestilah berlangsung dengan penuh integriti dan bertanggungjawab dan bukan menjadi medan menabur fitnah serta membesar-besarkan isu sensitif serta berita palsu.

Suasana perbahasan haruslah sentiasa dalam keadaan harmoni dan adil kepada semua.

Suka beta ingatkan kepada Speaker dan Ahli-Ahli Dewan Negeri Selangor agar bertindak adil serta bertoleransi antara satu sama lain dan menumpukan perbahasan kepada perkara yang memberikan manfaat yang sebaiknya kepada rakyat dan kemajuan negeri.

Beta menzahirkan ucapan tahniah kepada pentadbiran Memanda Dato’ Menteri Besar di atas pencapaian Prestasi Kewangan Kerajaan Negeri bagi tahun 2023.

Rizab kerajaan beta melalui Kumpulan Wang Disatukan merekodkan angka berjumlah RM3,561 juta, kutipan hasil negeri pada tahun 2023 telah merekodkan angka melebihi sasaran iaitu sebanyak RM2,708 juta.

Manakala lebihan kewangan dari kutipan hasil dan perbelanjaan negeri pada tahun 2023 sebanyak RM206 juta.

Pelbagai hasil

Beta berharap prestasi kewangan ini dapat dipertingkatkan dan negeri Selangor akan terus kekal menjadi penyumbang Keluaran Dalam Negara Kasar (KDNK) terbesar untuk Malaysia.

Walau bagaimanapun hasil negeri ini perlulah diurus dengan baik dan dibelanjakan untuk kemakmuran dan kesejahteraan rakyat.

Kerajaan beta akan memulakan Rancangan Selangor Pertama pada tahun 2024 untuk memastikan ekonomi negeri lebih kukuh dan berdaya saing bagi jangka masa lima tahun akan datang.

Usaha mempelbagaikan hasil negeri akan mula dilaksanakan dengan strategi menambahkan hasil Kerajaan Negeri melalui sumbangan dan dividen daripada anak syarikat / badan berkanun dan agensi Kerajaan Negeri dengan sasaran sebanyak RM40 juta pada tahun 2024 daripada anak syarikat di bawah pegangan Menteri Besar Selangor (Pemerbadanan) atau MBI.

Selain itu, Pejabat Tanah dan Galian Negeri Selangor dan Pejabat Daerah dan Tanah sedang dalam proses menyemak semula kadar bayaran fi Pejabat (office fees) bagi meningkatkan hasil Kerajaan Negeri. ►

Semakan ini perlu dilakukan kerana kali terakhir kadar ini disemak dalam Kaedah-kaedah Tanah Selangor (Pindaan) 2007.

Kerajaan beta telah membentangkan Belanjawan Tahun 2024 berjumlah RM2,530 juta dan telah diluluskan melalui Enakmen Perbekalan 2024.

Peruntukan ini adalah sebagai persediaan merealisasikan tema belanjawan negeri Selangor pada tahun ini iaitu: Selangor Mandiri: Memacu Kemajuan, Memicu Perpaduan.

Pelbagai aspek telah diambil kira dan sejumlah tambahan peruntukan baru bagi keterjaminan bekalan makanan, program Pendidikan dan Latihan Teknikal dan Vokasional (TVET) bernilai tinggi, penggunaan teknologi pintar dalam penambahbaikan pengangkutan awam, Program Tuisyen Percuma dan Insentif Haji Muassasah.

Manakala Iltizam Selangor Penyayang terus diperkuuhkan dengan bantuan rawatan asas dan vaksinasi, manfaat hospitalisasi, bantuan taska, tadika, serta anak istimewa.

Ekonomi negeri Selangor pula dianggarkan tumbuh dengan kadar 4.1 peratus pada tahun 2023 dan diunjurkan berkembang secara konsisten pada tahun 2024 dengan kadar 5.2 peratus dengan sektor perkhidmatan terus menjana pertumbuhan, menyokong perbelanjaan swasta yang terus mengukuh.

Sektor pembinaan juga dijangka tumbuh dengan pantas berbanding sektor-sektor lain, antara lain disokong oleh pembinaan projek-projek awam untuk meningkatkan kapasiti ekonomi.

Pada tahun ini, beta amat berharap segala perancangan yang telah digariskan di dalam Rancangan Selangor Pertama dapat dilaksanakan mengikut garis masa yang telah ditetapkan terutamanya program kebijakan dan kesejahteraan rakyat, projek-projek berimpak tinggi khususnya pembangunan wilayah ekonomi baharu, inisiatif hasil ekonomi baharu serta mewujudkan suasana mesra pelabur bagi menarik lebih ramai pelabur dari dalam dan luar negara untuk melabur di Selangor.



Beta menyeru seluruh rakyat untuk bersama-sama menggunakan air harian secara cermat dan berhemah bagi menyumbang kepada peningkatan simpanan air semasa.

Beta juga mengambil maklum komitmen kerajaan beta untuk menangani isu bekalan air dengan mengambil langkah proaktif untuk mengurangkan risiko dan menjamin keselamatan air untuk negeri



Beta mengalu-alukan inisiatif kerajaan beta melalui Pejabat Tanah dan Galian Negeri Selangor (PTGS) dan Pejabat-Pejabat Daerah dan Tanah (PDT) seluruh negeri Selangor membangunkan Sistem e-Tanah Negeri Selangor yang telah dilancarkan pada Oktober 2023.

Impak positif

Penambahbaikan sistem tadbir urus tanah yang telus akan dapat memberikan impak positif yang signifikan kepada semua pihak berkepentingan yang terlibat.

Aspek digitalisasi akan membantu dalam proses semakan, perancangan dan juga pemantauan di mana ia boleh dibuat secara lebih pantas, berkala dan teratur.

PTGS akan membuat pentakrifan semula bagi jenis-jenis bahan batuan dan mineral memandangkan nilai bagi kedua-dua bahan tersebut telah menunjukkan peningkatan yang drastik di pasaran.

Pentakrifan ini akan melibatkan kadar royalti yang lebih tinggi selaras dengan kadar yang telah ditetapkan melalui Enakmen Mineral Negeri Selangor dan juga pekeliling-pekeliling yang masih berkuat kuasa.

Beta menzahirkan penghargaan kepada kerajaan beta yang sedang menyelesaikan isu persempadanan negeri Selangor.

Sehingga kini, kejayaan negeri Selangor dalam memuktamadkan persempadanan darat dengan Pahang, Negeri Sembilan, serta Wilayah Persekutuan Kuala Lumpur dan Putrajaya adalah sesuatu yang boleh dibanggakan.

Maka, usaha yang lebih giat perlu dilaksanakan oleh semua pihak berkaitan yang terlibat bagi mengesahkan dan memuktamadkan pula isu-isu persempadanan negeri Selangor yang masih perlu diselesaikan.

Beta bersyukur kerana negeri Selangor dilimpahi kemakmuran dan mempunyai bekalan air bersih yang mencukupi untuk kegunaan rakyat beta.

Walau bagaimanapun, wajar ada persediaan untuk menghadapi cabaran perubahan iklim seperti musim kemarau.

Tahap kesedaran terhadap penggunaan air secara berhemah masih berada pada tahap yang rendah

hingga menyebabkan kadar penggunaan domestik yang tinggi dianggarkan sebanyak 215 liter seorang sehari.

Oleh itu, beta menyeru seluruh rakyat untuk bersama-sama menggunakan air harian secara cermat dan berhemah bagi menyumbang kepada peningkatan simpanan air semasa.

Beta juga mengambil maklum komitmen kerajaan beta untuk menangani isu bekalan air dengan mengambil langkah proaktif untuk mengurangkan risiko dan menjamin keselamatan air untuk negeri.

Projek Skim Jaminan Air Mentah (SJAM) meliputi semua perancangan kerajaan beta dalam menguruskan air termasuk air banjir yang akhirnya boleh dijadikan sebagai sumber air untuk dibekalkan bagi tujuan rawatan oleh Air Selangor ataupun untuk kegunaan aktiviti seperti pertanian atau perikanan.

Di bawah Projek SJAM ini, ia turut melibatkan kerja-kerja pembinaan infrastruktur pengepaman di Sungai Selangor dan Sungai Semenyih yang dijangka akan siap pada akhir tahun ini dan boleh dioperasikan pada pertengahan tahun 2025.

Selain itu, Projek Skim Air Sungai Rasau akan menjadi sumber air baharu yang mampu menghasilkan air terawat yang dianggarkan lebih kurang 1,400 liter sehari melibatkan dua komponen iaitu pembangunan sumber air yang dikenali sebagai Kolam Takungan Dwi Fungsi bagi Tebakan Banjir dan Sumber Bekalan Air Mentah Sungai Klang – Sungai Rasau, Selangor dan Kerja-kerja Pembangunan Loji Rawatan Air (LRA) termasuk sistem paip agihan, tangki air dan lain-lain yang berkaitan yang akan dibangunkan dalam dua peringkat, iaitu setiap satu peringkat dengan kapasiti 700 liter sehari.

Sumber air

Beta ingin zahirkan ucapan terima kasih kepada Kerajaan Persekutuan yang akan membiayai kerja-kerja pembangunan sumber air ini melalui geran dengan anggaran berjumlah RM1,800 juta.

Di negeri Selangor, Wilayah Persekutuan Kuala Lumpur dan Putrajaya terdapat lebih kurang 30,500 kilometer (km) paip yang membekalkan air kepada pengguna. ►

Ketika ini banyak berlaku kejadian paip pecah disebabkan oleh paip yang usang, tekanan berlebihan ke atas paip dan juga vandalisme.

Untuk menaik taraf rangkaian paip, kerajaan beta telah menyatakan komitmen menggandakan kadar penggantian paip daripada 150 km setahun kepada 300 km setahun.

Beta menggesa semua pihak yang berkaitan untuk memberikan kerjasama bagi memastikan proses penggantian paip-paip usang ini dapat disegerakan.

Sehubungan dengan itu, beta menyambut baik usaha dan inisiatif kerajaan beta untuk mengurangkan kesan kenaikan tarif kepada rakyat di mana Kerajaan Negeri akan menyerap dan menanggung peningkatan kos bagi penerima air percuma di bawah Skim Air Darul Ehsan (SADE), sekolah-sekolah, serta masjid, surau dan rumah-rumah ibadah bagi kemaslahatan rakyat.

Kos tanggungan kerajaan beta akan meningkat kepada anggaran RM 37.7 juta setahun namun usaha ini akan meringankan beban rakyat beta dan merupakan manifestasi terhadap keprihatinan kerajaan beta.

Beta mengambil maklum perancangan yang telah dirangka oleh kerajaan beta untuk membina 1,000 stesen pengecas kenderaan elektrik di seluruh negeri Selangor.

Kewujudan stesen pengecas kenderaan elektrik merupakan langkah untuk mempercepatkan transformasi kepada kenderaan elektrik yang lebih mesra alam.

Beta juga mengambil maklum akan cadangan penggunaan kenderaan elektrik oleh kerajaan beta dan agensi serta badan berkanun.

Inisiatif ini diharap akan menjadi pemangkin kepada peningkatan penggunaan kenderaan elektrik di Selangor dan menyokong inisiatif mobiliti yang lestari alam.

Pembangunan Sultan Idris Shah Green Energy (SISGE) Plant, iaitu taman tenaga hijau (Green Eco Park) yang merangkumi fasiliti loji siswa kepada tenaga (Waste-to-Energy) berkemampuan untuk membakar 2,400 tan sampah sehari dan menjana 130.5 megawatts tenaga elektrik melalui pembangunan yang melibatkan empat fasa.

Ianya dapat menjana nilai tambah daripada sisa pepejal melalui penjanjana tenaga dan bahan berguna yang boleh diperdagangkan seperti elektrik, haba atau bahan api.

Beta telah mengambil maklum langkah kerajaan beta membangunkan District Disaster Operation Centre (DDOC) bagi mengurus, menyelaras dan memantau pengurusan bencana daerah.

DDOC ini telah dimulakan di tiga buah daerah iaitu Petaling, Klang, dan Hulu Langat, manakala pembangunan di daerah lain akan diteruskan pada tahun ini.

Beta juga telah mengambil maklum pelbagai usaha yang telah dan sedang diambil oleh kerajaan beta bagi mengatasi masalah banjir yang sentiasa menyusahkan rakyat beta.

Bagi tahun 2024, kerajaan beta telah memperuntukkan sebanyak RM23 juta dalam usaha untuk memastikan pengurusan pembangunan tebakan banjir berkesan.

Beta menzhirkan pandangan bahawa pengurusan banjir harus dilihat secara lebih terperinci terutamanya penjagaan parit-parit dan longkang di kawasan yang mempunyai penduduk yang padat.

Jaga hutan

Penjagaan hutan sebagai pengimbang ekosistem dan untuk diwarisi oleh generasi yang akan datang



Beta ingin mengambil kesempatan ini untuk menasihati para penjawat awam di negeri Selangor agar melakukan anjakan paradigma dalam setiap tugas dan tanggungjawab yang telah diamanahkan. Beta muhagar kerentah birokrasi dan peraturan yang menyusahkan dalam urusan-urusan kerajaan, dikurangkan segera

adalah sangat penting untuk diberi tumpuan.

Dalam kerancakan pembangunan negeri, beta menggesa agensi pelulus pembangunan untuk tidak mengambil ringan terhadap kesan pembangunan ini kepada alam sekitar.

Oleh yang demikian, beta menyokong Pembangunan Hutan Warisan Diraja Selangor melibatkan kawasan taman negeri Selangor seluas 108,000 hektar yang merupakan gabungan beberapa hutan simpanan kekal.

Kawasan ini juga dikenali sebagai Taman Warisan Negeri terletak di daerah Hulu Selangor, Gombak dan Hulu Langat.

Beta telah berkenan mengisytiharkan Hutan Warisan Diraja ini pada 28 November 2023 lalu.

Pembangunan Hutan Warisan Diraja Selangor ini dijangka akan menjadi salah satu tarikan utama ekopelancongan di negeri Selangor.

Beta bersyukur kerana syiar Islam terus ditegakkan dengan pelbagai aktiviti pengimaranan masjid dan surau di Selangor.

Masjid dan surau perlu terus aman dan berkecuali daripada persengketaan serta perbalahan di sekelilingnya.

Rumah Allah adalah tempat untuk umat Islam beribadah, mencari ketenangan, membersihkan jiwa dan meningkatkan tuntutan silaturahim sesama ummah.

Sehubungan dengan itu, perlu dielakkan sama sekali unsur pencetus permusuhan dan perpecahan yang berlaku di luar daripada berlaku di dalam masjid.

Selain itu, institusi masjid dan surau juga perlu diurus dengan profesional, adil dan telus.

Pada 7 Disember 2023 yang lalu, beta telah melancarkan Garis Panduan Pengurusan Kewangan, Perolehan Dan Aset Masjid Dan Surau Negeri Selangor Tahun 2023 berkuatkuasa 1 Januari 2024.

Beta ingin mengingatkan para pentadbir masjid dan surau untuk mematuhi garis panduan tersebut agar urus tadbir dapat dijalankan secara efisien.

Para pentadbir juga perlu sentiasa mendengar dan responsif kepada keperluan para jemaah dengan menggunakan sebaiknya kutipan sumbangan sedekah bagi menjamin keselesaan beribadah.

Beta difahamkan kerajaan beta sedang berusaha untuk mengukuhkan lagi Insentif Haji Selangor yang dilaksanakan tahun lalu dengan memberi tajaan penuh kepada empat orang rakyat beta bagi

setiap daerah dalam negeri Selangor yang miskin dan tidak mampu untuk melaksanakan ibadah haji di Baitullah.

Besarlah harapan beta untuk melihat negeri Selangor ditadbir dengan penuh integriti, berwawasan dan efisien serta kekal dalam keamanan dan kesejahteraan.

Perkhidmatan terbaik

Rakyat beta perlu diberikan perkhidmatan yang terbaik sesuai dengan pembangunan pesat yang dicapai hari ini dan insya-Allah pada masa hadapan.

Beta ingin mengambil kesempatan ini untuk menasihati para penjawat awam di negeri Selangor agar melakukan anjakan paradigma dalam setiap tugas dan tanggungjawab yang telah diamanahkan.

Beta muhagar kerentah birokrasi dan peraturan yang menyusahkan dalam urusan-urusan kerajaan, dikurangkan segera.

Perlu ada “sense of urgency” dan bertindak segera dalam memastikan perkhidmatan berkaitan rakyat diselesaikan dengan pantas dan sempurna.

Beta tidak muhagar sikap lalai dan malas terus diamalkan oleh penjawat awam sehingga menyebabkan banyak projek-projek pembangunan tergendala atau berdepan masalah.

Sebagai contoh, projek tebakan banjir dan juga projek baik pulih kemudahan rakyat yang masih gagal dilaksanakan dengan segera.

Beta amat bimbang sekiranya sikap dan kebiasaan sebegini masih ada dalam pemikiran penjawat awam, rakyat beta yang akan terus menanggung akibatnya.

Suka beta mengingatkan sekali lagi kepada pihak berkuasa tempatan agar dapat melaksanakan syor beta supaya keanggotaan ahli-ahli majlis terdiri daripada sekurang-kurangnya 50 peratus golongan profesional dan tidak dimonopoli oleh ahli politik.

Dengan adanya langkah ini, diharap segala masalah dan aduan rakyat dapat ditangani dengan lebih baik menerusi inisiatif turun padang untuk melihat sendiri masalah yang dihadapi oleh rakyat.

Beta muhagar pihak berkuasa tempatan dan jabatan-jabatan yang memberi perkhidmatan terus kepada rakyat seperti Jabatan Kerja Raya, Jabatan Pengairan dan Saliran dan lain-lain, memastikan baik-pulih (maintenance) harta awam diselenggara dengan baik.

Ini termasuklah pemberian jalan-jalan raya yang rosak, parit dan longkang yang tersumbat, lif di bangunan awam dan perumahan serta kemudahan untuk bersukan dan rekreasi.

Beta akan terus memantau dan memerhati tindak-tanduk para penjawat awam dan kualiti perkhidmatan awam di negeri Selangor ini selaras dengan moto “Pertahan dan Setia Kepada Agama Islam” “Berkhidmat Kepada Rakyat dan Negara”.

Kepada semua Ahli Dewan Negeri Selangor, beta mengucapkan selamat bersidang dalam suasana yang harmoni supaya dapat memberikan manfaat kepada rakyat dan juga negeri.

Ahli-ahli Dewan Negeri sewajarnya menghindari persengketaan dan berbahas dengan secara bertanggungjawab serta berhemah.

Jauhilah perbuatan yang bersifat melampaui yang mampu membawa kemudarat dan menjelaskan nama baik Dewan yang mulia ini.

Sekian.

Wabillahi Taufik Wal Hidayah

Wassalamualaikum Warahmatullahi
Wabarakatuh.

Agong tidak layan cubaan gugat kestabilan

Titah ucapan Duli Yang Maha Mulia Seri Paduka Baginda Yang di-Pertuan Agong Sultan Ibrahim sempena istiadat pembukaan penggal ketiga Parlimen Ke-15 pada 26 Februari.

Assalamualaikum Warahmatullahi Wabarakatuh.
Dengan nama Allah, Yang Maha Pemurah lagi Maha Mengasihi. Segala puji bagi Allah, tuhan pentadbir seluruh alam. Selawat dan salam kepada junjungan besar kita Nabi Muhammad, semulia-mulia Rasul, serta keluarga dan para sahabatnya sekalian.

Yang di-Pertua Dewan Negara, Yang di-Pertua Dewan Rakyat, Ahli-Ahli Dewan Negara dan Ahli-Ahli Dewan Rakyat, saudara saudari yang saya hormati sekalian.

Alhamdulillah, bersyukur saya kehadiran Allah Subhanahu Wata'ala kerana atas limpah kurnia dan izin-Nya dapat saya hadir ke Istiadat Pembukaan Penggal Ketiga, Parlimen Kelima Belas pada pagi yang mulia ini.

Istiadat hari ini amat bermakna buat saya kerana ini merupakan kali pertama saya datang ke Bangunan Parlimen ini setelah mengangkat sumpah sebagai Yang di-Pertuan Agong ke-XVII pada 31 Januari 2024 yang lalu.

Pada kesempatan ini, saya menzahirkan ucapan setinggi-tinggi penghargaan kepada Kebawah Duli Yang Maha Mulia Sultan Pahang dan Tengku Ampuan Pahang yang telah menaungi negara dan rakyat jelata selama lima tahun yang lalu dengan adil dan bijaksana.

Insy-Allah, dengan limpah kurnia serta izin-Nya, saya akan memikul amanah yang diberikan dengan jujur dan ikhlas dan meneruskan pemerintahan yang mengutamakan kemakmuran negara dan kesejahteraan hidup rakyat.

Tahniah saya ucapan kepada perdana menteri dan barisan anggota pentadbiran kerajaan yang telah mentadbir negara dengan sempurna dan tadbir urus yang baik. Pesanan saya, sentiasa hayati denyut nadi rakyat kerana menjadi kewajipan kerajaan untuk membela nasib mereka.

Saudara saudari sekalian,

Saya adalah orang baharu di sini dan belum sampai satu bulan memegang jawatan Yang di-Pertuan Agong. Oleh itu banyak perkara yang saya kena belajar.

Ucapan saya hari ini lebih halus kalau dibandingkan dengan ucapan

saya di Johor. Saya bagi peluang supaya tidak ada yang tersinggung tapi akan datang harap-harap berjaga-jaga.

Pemerintahan saya sebagai Yang di-Pertuan Agong adalah sama seperti Yang di-Pertuan Agong yang lepas iaitu mengikut Perlembagaan Persekutuan, dasar dan peraturan yang ditetapkan.

Kedudukan saya di sini adalah bagi menjalankan tanggungjawab dan memikul amanah Raja-Raja untuk memastikan kedaulatan tanah air, kemakmuran negara dan kesejahteraan hidup rakyat akan sentiasa dipelihara.

Oleh itu, saya menyeru kepada semua pihak sama ada yang duduk di sebelah kanan atau yang di sebelah kiri, marilah kita bersatu hati, berganding bahu dan bekerjasama untuk membangunkan negara demi kepentingan seluruh rakyat Malaysia.

Di mata saya, kejayaan atau kegagalan negara ini bukan terletak di bahu perdana menteri sahaja, tetapi semua 222 ahli Dewan Rakyat telah diamanahkan oleh rakyat sebagai wakil mereka di dalam kerajaan.

Seumur pihak sedia maklum keutamaan saya adalah keadaan hidup lebih 33 juta rakyat Malaysia di luar sana. Oleh itu, saya berharap semua ahli Yang Berhormat akan menumpukan usaha untuk membela nasib hidup mereka. Bukannya untuk kepentingan parti politik atau diri sendiri.

Ingin juga saya tegaskan di sini yang saya tidak akan melayan sebarang permintaan dari mana-mana pihak yang cuba mengganggu gugat kestabilan politik negara. Semua pihak mestilah menerima kenyataan dan menghormati Kerajaan Perpaduan yang telah dibentuk. Jika ada yang hendak bermain politik, tunggulah masa pilihan raya yang akan datang.

Saudara saudari sekalian,

Suka saya ingatkan bahawa parlimen ini adalah tempat para penggubal undang-undang berhimpun untuk membuat peraturan dan Yang Berhormat ahli-ahli dewan adalah para penggubalnya. Oleh itu, adalah tidak masuk akal jika penggubal undang-undang itu sendiri gagal untuk mematuhi peraturan yang dibuat.

Oleh yang demikian, saya harap semua ahli-ahli dewan akan tunjukkan contoh teladan yang baik apabila berada di dewan yang mulia ini.

Jaga adab dan tatatertib serta gunakan tutur kata yang sopan. Bukannya memaki hamun orang lain. Kalau tengok perangai ahli dewan sebelum ini, saya pun rasa malu hendak masuk ke dewan ini.

Keadaan kewangan kerajaan yang telah lama lemah ini, adalah sukar untuk kerajaan melaksanakan projek



persidangan.

Saya berikan 'greenlight' kepada Speaker untuk ambil tindakan kepada ahli-ahli yang melampaui batas. Boleh kenakan 'ban' 14 hari jika ada yang masih degil. Oleh yang demikian saya harap semua ahli-ahli dewan akan tunjukkan contoh tauladan yang baik apabila berada di dewan mulia ini.

Saya perhatikan setelah lebih 60 tahun Malaysia dibentuk, hubungan perpaduan antara kaum masih belum sempurna kerana masih ada generasi hari ini yang gagal menguasai bahasa kebangsaan dan memahami budaya hidup kaum yang lain. Oleh itu, saya menyeru kepada kerajaan untuk merangka satu dasar ke arah perpaduan rakyat yang lebih kukuh dan harmoni.

Oleh yang demikian, saya harap dimaklumkan bahawa kerajaan hari ini sedang menanggung beban hutang yang semakin besar, kerana sejak tahun 1998 kerajaan sentiasa berada dalam kedudukan defisit fiskal. Adakah beban hutang ini yang akan kita tinggalkan untuk ditanggung oleh anak cucu kita nanti? Jawapannya ada pada ahli-ahli dewan di sini.

Saya juga menyeru semua lapisan masyarakat supaya menjaga keharmonian negara dan tidak memainkan isu sensitif yang melibatkan raja, kaum dan agama.

Perlembagaan telah mengiktiraf Islam sebagai agama rasmi Malaysia dan akan memberikan suntikan kewangan bagi merancangkan pertumbuhan ekonomi. Oleh itu saya menyokong hasrat kerajaan untuk mengambil langkah penjimatan termasuk melaksanakan pemberian subsidi secara besar-besaran.

Selain daripada itu, dasar-dasar baharu yang lebih menyeluruh perlu terus diperkenalkan. Antaranya pengenalan kepada Akta Kewangan Awam dan Tanggungjawab Fiskal 2023 yang merupakan satu langkah pembaharuan bagi meningkatkan urus tadbir, pengurusan kewangan awam supaya lebih telus dan bertanggungjawab.

Saya juga sendiri akan meneliti perbelanjaan kerajaan dengan lebih teliti dan memastikan setiap cadangan perbelanjaan adalah untuk perkara yang betul-betul diperlukan. Saya berharap semasa pemerintahan saya ini, kerajaan akan berjaya memperoleh lebihan fiskal setiap tahun.

Kerajaan juga mestilah bersikap tegas, bagi membendung ketirisan dan penyeleweng dana awam. Kelemahan urus tadbir ini, semua peringkat perlu diperiksa, termasuk di dalam badan berkunun, dan syarikat milik kerajaan

untuk merancangkan dan menstruktur semula aktiviti ekonomi serta pelaburan. Selari dengan hasrat ini, kerajaan telah merangka Pelan Hala Tuju Peralihan Tenaga Negara, Pelan Induk Perindustrian Baharu 2030, Kajian Separuh Penggal Rancangan Malaysia Kedua Belas dan Belanjawan 2024 yang bakal mengangkat taraf hidup rakyat ke tahap yang lebih tinggi dan sejahtera berlandaskan keadilan sejagat.

Saya juga amat berharap agar kerajaan mengambil pendekatan yang proaktif dalam melaksanakan agenda pembaharuan untuk memperkuuh daya saing negara sebagai sebuah ekonomi yang mampan sejarah dengan keperluan semasa.

Kerajaan juga perlu menyediakan insentif yang menarik dan memudahkan segala urusan melalui tadbir urus yang cekap. Polisi yang dibuat di peringkat persekutuan juga hendaklah disesuaikan dengan keadaan persekitaran di negeri-negeri kerana setiap negeri mempunyai keadaan yang berbeza-beza, terutama dalam sektor pembangunan hartaan.

Saudara saudari sekalian,

Dengan peningkatan taraf sistem pendidikan tinggi dalam negara telah melahirkan ramai graduan yang bermutu tinggi. Namun, peluang pekerjaan yang ditawarkan pada masa ini adalah tidak setaraf dengan kelayakan yang mereka miliki.

Oleh yang demikian, kerajaan perlu berusaha menarik pelaburan yang bernilai tinggi supaya peluang pekerjaan yang dihasilkan akan memberi pendapatan yang berpatutan.

Di kesempatan ini, saya menyeru semua pihak agar memanfaatkan Tahun Melawat Malaysia 2026. Pemilihan Malaysia sebagai Pengerusi ASEAN pada 2025 akan meneroka peluang ekonomi bagi menjana sumber pendapatan selain mempromosikan budaya dan warisan negara kepada para pelancong yang berkunjung ke negara ini kelak.

Oleh kerana kos import yang semakin tinggi, kerajaan hendaklah meningkatkan usaha dan galakan untuk pengeluaran barang dalam negara, terutama bekalan makanan harian dan bahan mentah.

Oleh itu, meningkatkan pengeluaran makanan hendaklah dibuat secara lebih tersusun bagi memastikan tahap jaminan makanan negara mencapai sasarnya. Pada masa yang sama, pelbagai program untuk meringankan beban petani, perternak, nelayan dan pengeluar makanan perlu ditingkatkan agar penghasilan dan pendapatan mereka berada pada tahap tinggi.

Saya menyambut baik kedudukan Malaysia di tangga ke-29 dalam Indeks Daya Saing Dunia 2023 dalam aspek

kecekapan kerajaan. Saya mengalaukan usaha berterusan ini bagi meningkatkan kepercayaan rakyat terhadap kecekapan perkhidmatan agensi kerajaan.

Jentera kerajaan juga mestilah meningkatkan kecekapan dan mengamalkan prinsip kerja berintegriti supaya pembangunan ekonomi dapat dicapai dengan jayanya. Saya tidak suka dengan sistem yang banyak "red tape". Oleh itu, kecekapan proses kerja dan tadbir urus setiap agensi kerajaan mestilah sentiasa dinilai dan ditingkatkan.

Agensi penguatkuasaan juga hendaklah menjalankan siasatan dengan lebih cepat dan cepat supaya sesuatu kes itu dapat diselesaikan dengan segera. Semua kes yang telah dibawa ke mahkamah juga mestilah segera diadili supaya kepercayaan rakyat terhadap sistem kehakiman negara sentiasa dipelihara.

Saudara saudari sekalian,

Pendirian Malaysia dalam mendukung keamanan dan menentang keganasan harus disuarakan dengan lebih tegas di peringkat antarabangsa. Selain itu, ada di peringkat ASEAN mahupun dunia, Malaysia perlu terus aktif berperanan bagi memupuk semangat perpaduan dan memacu kemajuan mengambil kira cabaran geopolitik dan perkembangan serantau. Malaysia perlu tegas menyuarakan pendirian isu Palestin dengan menggesa supaya gencatan senjata segera dilaksanakan dan bantuan kemanusiaan kepada penduduk Gaza dipercepatkan.

Saya amat menghargai taat setia yang telah dicurahkan kepada saya dan negara tercinta oleh semua anggota perkhidmatan awam, Angkatan Tentera Malaysia, Polis Diraja Malaysia serta seluruh agensi kerajaan yang telah berkhidmat dengan penuh dedikasi tanpa mengenal peran dan lelah.

Terima kasih juga saya ucapan kepada semua rakyat jelata yang mengelakkan meningkatkan usaha dan galakan untuk pengeluaran barang dalam negara, terutama bekalan makanan harian dan bahan mentah.

Oleh itu, meningkatkan pengeluaran makanan hendaklah dibuat secara lebih tersusun bagi memastikan tahap jaminan makanan negara mencapai sasarnya. Pada masa yang sama, pelbagai program untuk meringankan beban petani, perternak, nelayan dan pengeluar makanan perlu ditingkatkan agar penghasilan dan pendapatan mereka berada pada tahap tinggi.

Wabillahi Taufik Wal Hidayah, Wassamualikum Warahmatullahi Wabarakatuh.

Sekian.

Malapetaka iklim



Sedutan ucapan Dato' Menteri Besar Dato' Seri Amirudin Shari sempena pelancaran buku Malapetaka Iklim: Memahami Fenomena Pemanasan Dunia dan buku komik Ke Mana Hilangnya Katak Hijau karya Hishamuddin Rais pada 21 Februari di Petaling Jaya.

Alhamdulillah saya rasa sangat gembira pada hari ini, dapat bekerjasama dengan rakan-rakan yang bukan kenal setahun dua, malah puluhan tahun, untuk menganjurkan program pelancaran buku yang terpamer di hadapan ini.

Sudah pasti pada hari ini kita menyedari bahawa ada perubahan yang besar dari segi istilah dan aspek pemanasan global, atau bergerak kepada perubahan iklim, dan sekarang kita mengistilahkannya sebagai malapetaka iklim.

Setiap detik dan perubahan istilah ini sudah pasti memberi kesan kepada kehidupan sehari-hari kita dan sudah pasti dirasai, bukan hanya dibimbangi, kehadirannya.

Ketika Naib Presiden Amerika Syarikat, Al Gore, memberikan ucapan pada tahun 2001, menyebut tentang pemanasan dunia pada ketika itu, istilah-istilah yang kita dengar pada hari ini amat lumrah.

Isu-isu peningkatan suhu dunia, paras air laut dan pelbagai perkara yang kita akan dengar sepanjang forum ini, atau dalam perbicaraan kita tentang hal ehwal alam sekitar, akan diikuti pula dengan malapetaka iklim.

Malapetaka iklim kita akan dengar tentang bagaimana perubahan yang mendadak dalam kehidupan sehari-hari kita melalui pelbagai dokumen dan buku.

Ia bukan lagi ramalan terhadap gejala yang berlaku, terhadap peningkatan suhu, peningkatan paras air laut, atau bagaimana kita dapat melihat perubahan suhu dan cuaca yang mendadak, tetapi kita rasai kesan-kesannya sekarang.

Kesan-kesan itu meliputi banyak perkara termasuk dalam kehidupan kita, baik daripada keselesaan hidup, sampailah bagaimana manusia dapat meneruskan kehidupan di dunia ini.

Mungkin tadi abang Adi Satria Ahmad ceritakan pengalaman beliau melihat bagaimana kejadian tanah runtuhan di kejiraninan beliau di Bukit Antarabangsa, dan ini bukan kali pertama.

Selepas itu ada rentetan pelbagai insiden tanah runtuhan yang berlaku. Pada hari ini, kalau boleh saya sebutkan, tanah runtuhan bukan lagi hanya tertumpu di daerah Gombak, termasuk kawasan Bukit Antarabangsa, tetapi beberapa daerah lain sudah mula mencatatkan kejadian dan bencana tanah runtuhan.

Kejadian banjir besar pada tahun 2021, sebagai contoh, telah merekodkan kejadian tanah runtuhan di Genting Peras, Hulu Langat yang menyebabkan kawasan tersebut tertutup selama beberapa tahun. Mungkin belum lagi dibuka untuk awam sampai hari ini.

Pada tahun 2022 sebenarnya kita dapat lihat kejadian tanah runtuhan di Batang Kali, Hulu

Selangor yang meragut beberapa nyawa. Di samping dua peristiwa yang saya sebutkan tadi, di Majlis Perbandaran Selayang sebagai contoh, Kerajaan Negeri terpaksa mengeluarkan belanja lebih daripada RM3 juta pada tahun 2022 sahaja untuk membantu menyelesaikan atau merawat kejadian tanah runtuhan yang dihadapi tersebut.

Suhu sejuk melampau

Tetapi itu bukanlah satu-satunya bencana yang kita rasai dan kita terkesan daripada masalah perubahan iklim ini. Masalah-masalah lain ialah berkenaan dengan bekalan makanan.

Pada hari ini, seluruh dunia berdepan dengan satu ketidaktentuan tentang bekalan makanan.

Perubahan ekstrem cuaca – keadaan suhu yang mendadak naik dan tinggi dan kadang-kadang terlalu ekstrem rendah – seperti di Otawara, Jepun yang merekodkan -16 darjah Celcius.

Wilayah Heilongjiang, China sebagai contoh mencatatkan sehingga -53 darjah Celcius.

Perubahan melampau ini akan memberi kesan langsung kepada tanaman atau sumber makanan yang perlu kita siapkan.

Dan atas sebab itu, kali pertama pada tahun 2024, Kerajaan Negeri terpaksa menyediakan satu peruntukan bagi menyediakan tempat penyimpanan dan bekalan makanan untuk kegunaan Selangor dalam tempoh tiga hingga enam bulan. Kita akan sediakan lebih kurang RM50 juta hingga RM60 juta.

Kalau sebelum ini masalah kitaran makanan tidak menjadi isu, tidak menjadi hal yang dibimbangi. Namun hari ini, Kerajaan Negeri Selangor sendiri terpaksa menyediakan bekalan itu akibat kesan kekurangan beras yang berlaku dalam tempoh beberapa bulan lepas. Begitu juga kestabilan bekalan ayam akibat kenaikan harga makanan ternakan.

Jadi, isu bekalan makanan ini, walau nampak seolah-olah kecil, tetapi ia akan memberi kesan besar. Kesan itu sampailah kepada kualiti tumbesaran atau pertumbuhan anak-anak kita.

Catatan-catatan kecil ini mungkin bukan disebabkan oleh malapetaka iklim secara langsung. Di kawasan bandar yang padat, misalnya di Lembah Klang, hasil kajian yang dijalankan, kita dapati ada beberapa masalah tumbesaran anak yang dipanggil sebagai ketot.

Semua ini masalah nyata yang perlu dihadapi Kerajaan Negeri bawah kepimpinan EXCO Dr Siti Mariah Mahmud, sebelum YB Anfaal Saari atau YB Jamaliah Jamaluddin. Kita membelanjakan sebahagian peruntukan untuk memberi makanan yang cukup untuk penghuni pangsapuri kos rendah bagi mengurangkan masalah kekurangan zat makanan.

Kekurangan gizi ini bukan sahaja merendahkan saiz badan tetapi juga akan memberi kesan kepada pertumbuhan otak dan cara mereka berfikir.

Semua ini sebahagian contoh rentetan satu kitaran ganas, vicious cycle, yang boleh dianggap punca awal kepada malapetaka iklim yang kita perlu hadapi. Bukan akan datang tetapi kita telah rasai pada hari ini.

Banjir tahun 2021 adalah pengalaman nyata yang dirasai oleh semua. Sebenarnya rentetan kejadian banjir itu bukan hanya berlaku tiba-tiba, tetapi telah ada isyarat dan simbol tertentu.

Kalau kita mengimbau tahun 2017, kejadian bah besar yang hampir sama di negeri kita pernah berlaku di mana? Ia berlaku di Pulau Pinang.

Tidak lama sebelum itu, pada 2014, berlaku banjir lebih besar di Kelantan yang berpuncak daripada penggondolan kawasan hulu sungai. Kejadian ini mencatatkan rekod paling buruk berbanding tempoh beberapa puluh tahun sebelumnya.

Bertindak selepas bencana

Kita berpatah balik ke tahun 2006 atau 2007. Kejadian banjir yang hampir sama berlaku di Kota Tinggi dan beberapa daerah di Johor Darul Takzim.

Di mana lagi berlaku kejadian ini, misalnya 2013? Ia berlaku di Pahang seperti di Kuantan, termasuklah Indera Mahkota. Saya tahu sedikit sebanyak tragedi ini sebab saya turun sendiri sebagai sukarelawan di Kelantan, Pahang dan pastinya Selangor.

Tapi ketika bah besar berlaku di Johor, kita belum lagi terlibat secara langsung. Namun saya dapat melihat secara jelas unsur-unsur yang sama, hujan yang turun pada kadar yang tinggi, pada waktu yang singkat.

Dan ia turun dengan mendadak dan tiada persediaan awal berdepan bencana tersebut. Masalahnya di negara kita hari ini, kita sedia bertindak selepas bencana berlaku.

Bagaimana dengan kesediaan awal kita atau

kesiapsiagaan kita berdepan dengan bencana yang akan berlaku?

Justeru pada tahun 2020 dan 2021, Kerajaan Negeri bersama Agensi Kerjasama Antarabangsa Jepun (JICA) dan Universiti Teknologi Malaysia (UTM), memulakan kajian melihat bagaimana paras laut menjelaskan beberapa lokaliti.

Negeri juga ingin menyediakan data untuk berdepan kejadian tanah runtuhan terutamanya di lokaliti Bukit Antarabangsa dan juga daerah Hulu Langat. Semua yang disebut ini masalah pertama:



Kita dengar istilah kitar semula atau tong sampah kitar semula semenjak saya di bangku sekolah menengah lagi. Sekarang saya sudah berumur 44 tahun. Namun pada hari ini, saya boleh katakan, belum ada lagi pihak-pihak berkuasa tempatan di Malaysia yang boleh mendakwa telah berjaya mengamalkan sepenuhnya konsep kitar semula

makanan dan bencana bersama masalah-masalahnya.

Kesan kedua pula, bagaimana penyakit merebak. Penyakit berjangkit bukan hanya dalam situasi bencana. Ya, sudah pasti bencana akan merebakkan penyakit-penyakit berjangkit. Yang saya maksudkan, bagaimana kita berdepan dengan pandemik?

Wabak Covid-19 yang kita hadapi pada tahun 2020 sampailah 2022 sebenarnya ada isyarat dan simptom tertentu. Antaranya, yang paling jelas, perebakkan sindrom pernafasan akut teruk (SARS), bermula dalam tempoh dua dekad sebelumnya. Pada peringkat awal itu, mungkin Selangor dan Semenanjung tidak terkesan teruk.

Kita boleh menoleh ke belakang lagi, dekad akhir sebelum tahun 2000. Pada akhir 1990-an, negara berdepan dengan situasi yang dinamakan wabak Japanese Encephalitis (JE).

Apa yang saya hendak sebutkan di sini, bagaimana wabak atau pandemik bermula dan berkembang. Iklim yang ekstrem dan tidak menentu mendorong agen penyakit atau vektor seperti nyamuk atau kelawar membiak lebih banyak.

Saya suka mengingatkan pasukan pentadbiran saya di Selangor. Bencana seperti itu, sama ada wabak penyakit, banjir besar atau tanah runtuhan, akan berulang dengan kerap daripada biasa. Mungkin, dalam skala lebih besar.

Kali terakhir kejadian banjir di Lembah Klang yang kita hadapi pada awal tahun 1970-an dan kemudian berulang pada 2021. Suka saya ingatkan, ia mungkin berlaku lebih kerap lagi, tidak perlu menunggu sehingga 30 atau 50 tahun lagi.

Cabarani kitar semula

Seperti saya sebut tadi - perkembangan JE, kemudiannya SARS, sampailah kepada peristiwa Covid-19. Kita di Selangor misalnya masih lagi berdepan masalah denggi.

Isunya sekarang, dengan kejadian dan situasi yang saya sebut tadi, apakah langkah-langkah dasar yang wajar dan patut dilakukan?

Kalau kita lihat beberapa dokumen penting, selain perkembangan Revolusi Industri 4.0, kita juga akan mendengar idea tentang kemampaman. Misalnya matlamat pembangunan mampan (SDG), suatu ketika dahulu konsep seperti ini agak asing diperkatakan.

Ketika 2018, pertama kali menjadi menteri besar, kita anjurkan satu perjumpaan. Perkara yang dibincang antaranya bagaimana pergerakan kerajaan harus bersandarkan pada 17 matlamat SDG yang telah digariskan oleh Pertubuhan Bangsa-Bangsa Bersatu.

Pada hari ini, saya fikir semua syarikat atau institusi cuba merapati SDG itu. Ia bukan hanya di dalam kertas tetapi harus menjadi pembudayaan. Pembudayaan inilah yang menjadi cabaran begitu besar.

Saya ambil contoh pertama, kitar semula. Kita dengar istilah kitar semula atau tong sampah kitar semula semenjak saya di bangku sekolah menengah lagi. Sekarang saya sudah berumur 44 tahun.

Namun pada hari ini, saya boleh katakan, belum ada lagi pihak-pihak berkuasa tempatan di Malaysia yang boleh mendakwa telah berjaya mengamalkan sepenuhnya konsep kitar semula. ►

Saya nampak yang paling berjaya dalam perkara ini ialah Hari Tanpa Plastik. Kita mulakan di Selangor. Kita dituduh gila sebab tidak membenarkan plastik digunakan tetapi pada hari ini agenda tersebut telah menjadi misi negara. Hari Tanpa Plastik ini sepatutnya paling mudah daripada isu kawalan tersebut.

Contoh kedua, apabila negeri seperti Selangor mencatatkan pertumbuhan yang agak tinggi. Tahun 2022, Selangor mencatatkan 11 peratus peningkatan Keluaran Dalam Negara Kasar (KDNK) berbanding tahun sebelumnya, pencapaian tinggi selepas wabak Covid-19.

Tetapi isunya adalah penghijrahan masuk penduduk atau migration. Selangor satu-satunya negeri di Malaysia yang terus mencatatkan pertumbuhan migrasi yang besar semenjak 1970-an.

Di tahun 1970-an, beberapa negeri mencatatkan peningkatan penghijrahan penduduk disebabkan aktiviti ekonomi tertentu. Tetapi Selangor meneruskan tradisi dan momentum itu sampai ke hari ini kerana pesatnya kegiatan ekonomi di sini.

Aktiviti manusia itu, bukan hanya kenderaan yang bergerak tetapi bahan buangan dan kumbahan yang perlu diuruskan dengan saiz dan had tertentu. Akhirnya kita tidak ada pilihan.

Sisa kepada tenaga

Walaupun ia bukan satu keputusan pentadbiran yang popular tetapi akhirnya kita terpaksa mengambil keputusan. Contohnya, mengalih tapak pembuangan sisa pepejal atau membuka kaedah pengurusan sisa pepejal yang menjana tenaga (waste to energy atau WTE).


Walau pelbagai pandangan muncul, ada yang mengkritik dan membantah, kita tiada pilihan. Sebab apa? Sebabnya, kalau kita terus bergantung pada kaedah pembuangan di tapak sisa pepejal dan gagal pula menguruskan kitar semula tadi, tapak tersebut pasti makin besar.

Kita sekarang masih bercakap soal kitar semula, sudah puluhan tahun tetapi masih gagal melaksanakannya, akhirnya nanti kita terpaksa menyediakan tapak buang sampah lebih besar daripada kawasan perumahan penduduk!

Kenyataan inilah yang kita perlu hadapi. Teknologi WTE terkini sudah mampu walau masih ada bantahan dibuat berkenaan pelepasan sisa cemar. Namun akhirnya kita perlu membuat keputusan. Kita terpaksa membina satu kaedah sesuai.

Kini kita masih berurusan dengan semua pihak untuk memastikan akhirnya kaedah selamat boleh diterima ramai. Setakat ini kita tiada pilihan selain kaedah WTE, sisa kepada tenaga, untuk menguruskan pembuangan sampah.

Saya tahu tidak popular untuk bercakap topik ini tetapi saya harus tegaskan. Pada hari ini,



Tetapi kenderaan elektrik (EV) juga akan mengeluarkan sisa daripada bateri. Sisa seperti itu terkandung dalam telefon, televisyen atau peralatan lain di rumah kita. Komputer dan gajet elektronik memerlukan bateri yang mengandungi bahan yang boleh merosakkan alam

di semua negara maju yang lebih ke depan, mereka tidak lagi bergerak kepada kaedah lama, sebaliknya bergerak kepada sisa kepada tenaga.

Perkara seterusnya yang harus kita siap siagakan dan sediakan adalah bagaimana menyediakan ekosistem.

Pada hari ini, apabila pembakaran bahan api fosil menjadi masalah besar dalam kehidupan kita, dengan pelepasan gas rumah hijau dan sebagainya, kita seolah-olah ada

kemahanuan untuk bergerak ke arah kenderaan elektrik.

Tetapi kenderaan elektrik (EV) juga akan mengeluarkan sisa daripada bateri. Sisa seperti itu terkandung dalam telefon, televisyen atau peralatan lain di rumah kita. Komputer dan gajet elektronik memerlukan bateri yang mengandungi bahan yang boleh merosakkan alam.

Jadi, kita kena bertindak cepat. Apakah ekosistem kita? Bukan hanya menempah EV Tesla atau BYD akan menyelesaikan masalah. Kita mesti melihat seluruh ekosistem EV termasuklah pelupusan bahan sisa terbabit.

Kumpul air hujan

Keprihatinan masyarakat secara menyeluruh tentang isu ini saya rasa bukan lagi isu. Di majlis pelancaran buku ini juga ramai yang hadir. Di peringkat dunia, daripada kenyataan Al Gore lebih 20 tahun lalu sampailah wira baharu Greta Thunberg, promosi alam sekitar bukan lagi isu.

Isunya sekarang bagaimana menangani secara nyata isu sampah, bahan buangan elektronik, sisa daripada kenderaan elektrik sampailah kepada dasar yang menyeluruh. Yakni bagaimana melaksanakan dan mengimbangi imaginasi pertumbuhan ekonomi dengan kemampunan hidup kita seluruhnya.

Kita mesti cuba melaksanakannya dengan betul, hatta sampai kepada perkara-perkara kecil. Sebab itu, kepada YB Jamaliah, saya letakkan beberapa tugas kecil antaranya berkaitan kitar semula.

Kita bukan hanya perlu ada dasar tetapi juga program nyata termasuk berapa banyak dana perlu dibelanja untuk membudayakan kitar semula. Katakanlah, kita mahu mencapai tahap 50 peratus kejiranian kita mengamalkan kaedah kitar semula.

Kedua, tentang bagaimana kita mengumpul air hujan atau menguruskan air hujan. Secara realiti, penggunaan air di Selangor melebihi kadar yang telah ditetapkan. Kita juga sering ambil mudah, konon air akan sentiasa sampai ke rumah kita.

Kita nanti harus mengambil langkah, misalnya melaksanakan dasar pelepasan sifar bukan hanya untuk kilang tetapi juga untuk restoran bagi menjamin bekalan air yang mampan. Saya sebut pengumpulan air hujan sebagai contoh bagaimana ia dapat dipopularkan dan dibudayakan.

Jadi, idea seperti ini antara langkah kecil yang saya rasa ada kesannya. Sebab isunya bukan lagi keimbangan suhu dunia akan naik, akan berlaku bencana. Hakikatnya saat ini kita sendiri sudah dapat rasakan kekurangan makanan atau penyebaran penyakit seperti Covid-19.

Sekarang ini apa lagi usahanya yang kita boleh dan mesti buat? Apa langkah yang kita boleh buat itu sama-sama kita cuba rungkaikan dalam forum hari ini.

Dengan ini kita rasmikan buku Malapetaka Iklim: Memahami Fenomena Pemanasan Dunia dan juga Ke Mana Hilangnya Katak Hijau.



CERIA... Perdana Menteri Datuk Seri Anwar Ibrahim melawat reruai jualan barang keperluan asas sempena Program Madani Rakyat Zon Tengah di Kuala Selangor pada 25 Februari. Hadir sama Menteri Besar Perak Saarani Mohamad (tiga, kanan) dan Menteri Kesihatan Datuk Seri Dr Dzulkefly Ahmad (kanan). Foto Facebook Anwar Ibrahim

Petanda ekonomi bangkit

Pelaburan tertinggi dalam sejarah

SHAH ALAM - Malaysia mencatat jumlah kelulusan pelaburan tertinggi dalam sejarah negara iaitu RM329.5 bilion pada 2023, meningkat 23 peratus berbanding 2022.

Perdana Menteri Datuk Seri Anwar Ibrahim menjelaskan pelaburan asing menjadi penyumbang utama iaitu 57.2 peratus manakala pelaburan domestik 42.8 peratus, lapor Bernama.

"Prestasi cemerlang ini disokong peningkatan 35.1 peratus dalam pelaburan domestik dan 15.3 peratus pelaburan

asing," katanya yang juga menteri kewangan dalam kenyataan pada 22 Februari.

Anwar menambah landskap pelaburan negara yang menunjukkan prestasi memberangsangkan cerminan pemulihan dan kebangkitan semula ekonomi sepanjang lebih setahun pentadbiran kerajaan.

"Ini petanda dasar mesra pelaburan dan mesra perniagaan yang dilaksanakan menerusi pendekatan kera-

jaan mula membahukan hasil dalam meningkatkan keyakinan pelabur," kata beliau.

Jumlah pelaburan yang diluluskan melibatkan 5,101 projek sekali gus berupaya mewujudkan lebih 127,000 peluang pekerjaan kepada rakyat.

Sektor perkhidmatan merekod pelaburan tertinggi iaitu 51.1 peratus daripada jumlah pelaburan yang diluluskan iaitu RM168.4 bilion, diikuti sektor perlindungan (RM152.0 bilion).

Salur RM58 billion bantuan rakyat

SHAH ALAM - Dana RM58.1 bilion disediakan bagi menampung pembelian subsidi, insentif dan bantuan sara hidup rakyat, kata menteri perdagangan dalam negeri dan kos sara hidup.

Datuk Armizan Mohd Ali menjelaskan peruntukan tersebut tidak termasuk yang dibuat pihak lain seperti badan korporat, badan bukan kerajaan dan pentadbiran sesebuah negeri, lapor Bernama.

Beliau menambah pelbagai inisiatif giat dijalankan bagi mengurangkan

beban kos sara hidup rakyat termasuk pengajuran program Jualan Rahmah Madani dan Jualan Agro Madani.

"Selain itu, Sumbangan Tunai Rahmah dan Sumbangan Asas Rahmah, inisiatif FlySiswa dan skim harga diskau tiket musim perayaan," katanya dalam sidang Dewan Rakyat pada 27 Februari.

Menjawab soalan berkaitan usaha Majlis Tindakan Sara Hidup Negara (NACCOL) menangani kos sara hidup, Armizan berkata inisiatif lain antaranya pas bulanan tanpa had My50 dan Skim

Perubatan Madani.

Katanya, ada tujuh jawatankuasa kerja kluster bawah NACCOL yang diterajui tujuh kementerian meliputi makanan, perumahan, pendidikan, pengangkutan, utiliti, kesihatan dan pendapatan.

"Melalui NACCOL, kerajaan memastikan setiap penggubalan dasar dan program yang dilaksanakan melalui kementerian dan agensi memberi pertimbangan terhadap elemen kos sara hidup," katanya.

Teruskan kes rasuah Muhyiddin

SHAH ALAM - Mahkamah Rayuan mengarahkan kes rasuah RM232.5 juta dihadapi Presiden Parti Pribumi Bersatu Malaysia (Bersatu) Tan Sri Muhyiddin Yassin dikembalikan ke Mahkamah Sesyen untuk tindakan lanjut.

Panel tiga hakim dipengerusikan Datuk Hadhariah Syed Ismail membuat keputusan itu secara sebulat suara selepas membenarkan rayuan pihak pendakwaan terhadap keputusan Mahkamah Tinggi yang melepas dan membebaskan Muhyiddin atas empat tuduhan rasuah terbabit.

Ketika membaca keputusan tersebut, Hadhariah berkata pertuduhan terhadap Muhyiddin jelas dan tidak memerlukan pihak pendakwaan untuk menyatakan secara terperinci butiran lanjut atau cara kesalahan itu dilakukan, lapor Sinar Harian.

Tindakan tegas sewa petak bazar

SHAH ALAM - Dewan Bandaraya Kuala Lumpur (DBKL) akan mengambil tindakan tegas terhadap mana-mana penjaja yang didapati menyewakan petak bazar Ramadhan kepada pihak lain.

Setiausaha Politik kepada Perdana Menteri Datuk Azman Abidin menegaskan DBKL memiliki pasukan petugas untuk menjalankan penguatkuasaan atas kesalan tersebut, lapor Bernama.

Beliau menambah ada dakwaan petak pada tahun-tahun sebelum ini dieksplorasi pihak tertentu yang kemudian menyewakan kemudahan itu dengan bayaran lebih tinggi kepada peniaga lain.

"Sekiranya kita dapatkan ada penjaja yang dapat (petak) dan sewakan kepada orang lain, kita terus rampas lesen itu dan tidak dibenarkan bermiaga selama-lamanya oleh DBKL," katanya.

Gubal akta atasi kes tipu dalam talian

SHAH ALAM - Akta baharu yang memperinci tatacara dan penguatkuasaan sistem 'kill switch' ialah dirangka demi meningkatkan tahap keselamatan digital.

Menteri Undang-Undang dan Reformasi Institusi Datuk Seri Azalina Othman Said menegaskan penggubalan itu selaras perkembangan teknologi dan kes jenayah siber yang meningkat.

"Terdapat keperluan segera bagi pewujudan satu sistem 'kill switch' melalui perundangan bagi menghentikan penipuan dalam mana-mana domain atau platform dalam talian," katanya.

Beliau menjawab soalan Ahli Parlimen Pulai Suhaizan Kait yang mahu mengetahui usaha kerajaan bagi mengatasi masalah penipuan dalam talian dalam sidang Dewan Rakyat pada 27 Februari.

Pantau aplikasi Quran dalam talian

SHAH ALAM - Kementerian Dalam Negeri (KDN) giat memantau beberapa aplikasi al-Quran dalam talian di pasaran yang didapati tidak memiliki sebarang kelulusan dan perakuan.

Setiausaha Bahagian Penguatkuasaan dan Kawalannya Nik Yusaimi Yussof berkata penggunaan aplikasi tersebut dikhawatir boleh membawa kekeliruan kepada umat Islam, lapor Bernama.

Beliau menambah kawalan perlu bagi menjamin kesucian ayat yang betul sekali gus mengelakkan sebarang ayat dikelirukan hingga membawa ancaman keselamatan dan ketenteraman awam.

"Aplikasi yang tidak diperakui kerana tidak melalui proses semakan Lajnah Tashih al-Quran Malaysia. Syarikat penerbitan al-Quran hendaklah dimiliki sepenuhnya oleh orang Islam."

"Hanya satu aplikasi mendapat perakuan KDN iaitu Smart Quran yang terbukti kesahihannya untuk diguna pakai masyarakat Islam di negara ini," katanya di Kota Bharu pada 27 Februari.

Penduduk Kerling paling ramai tua

SHAH ALAM - Tujuh peratus penduduk 557 daripada 1,065 mukim di negara ini berusia 65 tahun dan ke atas sekali gus mencapai kategori menua, menurut Jabatan Perangkaan Malaysia (DOSM).

Ketua Perangkawan Datuk Seri Dr Mohd Uzir Mahidin menjelaskan 155 daripada 260 bandar juga mencapai tahap sama manakala 50 peratus lagi bagi pekan, lapor Bernama.

"Mukim Kerling, Selangor mencatat penduduk tertinggi bagi umur 65 tahun iaitu lebih 25.2 peratus," katanya dalam kenyataan pada 26 Februari.

Terdapat 1,730 mukim, bandar dan pekan di Semenanjung Malaysia merangkumi 13 negeri. Daripada jumlah berkenaan, sebanyak 1,065 ialah mukim, bandar (260) dan pekan (405).

Kastam kutip hasil atasi sasaran

SHAH ALAM - Kutipan hasil Jabatan Kastam Diraja Malaysia zon tengah sepanjang tahun lalu mencecah RM37.7 bilion, melepas sasaran awal RM36.85 bilion.

Penolong ketua pengarah zon tengahnya berkata kutipan Selangor tertinggi iaitu RM19.7 bilion, Kuala Lumpur (RM14.3 bilion) dan Lapangan Terbang Antarabangsa Kuala Lumpur (RM3.7 bilion).

Norlela Ismail menambah zon tengah melakukan 1,185 kes rampasan RM77 juta dengan nilai cukai dianggar RM105 juta meliputi penyeludupan terutama rokok dan minuman keras, lapor Bernama.

"Dianggarkan RM4 juta diperoleh hasil jualan tender kenderaan melibatkan 143 kenderaan yang dilucut hak," katanya.

Banyak tanaman diancam bencana

PETALING JAYA - Kira-kira 62 peratus tanaman di Malaysia terdedah ancaman bencana terutama banjir dan tanah runtuhan, menurut laporan Jabatan Perancangan Bandar dan Desa (PLANMalaysia).

Pengarah Pusat Pencegahan dan Kesiapsiagaan Bencana Universiti Teknologi Malaysia (UTM) berkata kajian sama juga menunjukkan penduduk luar bandar kerap terjejas akibat bencana.

"Antara 2019 hingga 2021, hampir 30,000 penduduk dipindah ke pusat pemindahan sementara dan

ia menunjukkan impak ketara berbanding di bandar," kata Dr Khamarrul Azahari Razak.

Beliau menjadi ahli panel Forum Pemanasan Dunia dan Alam Sekitar di pusat beli-belah Jaya One di sini pada 22 Februari. EXCO Alam Sekitar Jamaiah Jamaluddin sebagai pemudah cara.

Tiga lagi Pengerusi Suruhanjaya Perkhidmatan Air Negara (SPAN) Charles Santiago, wakil badan bukan kerajaan Greenpeace Climate and Energy Hamizah Shamsudeen dan aktivis Hishamuddin Rais.



Menurut Dr Khamarrul, negara turut mengalami peningkatan mendadak iaitu 200 peratus kadar kemarikan dan kerugian akibat bencana dalam tempoh antara 2019 hingga 2021.

Beliau menambah Malaysia juga kerugian kira-kira RM6.1 bilion akibat banjir besar kesan Monsun Timur Laut yang membadi beberapa negeri pada 2014 dan 2021.

"Dalam banjir 2021 yang melanda Selangor, negeri hilang RM3.1 bilion. Pada masa depan, kita gusar adalah intensiti dan frekuensi. Kita tidak mahu hadapi bencana lebih kerap," katanya.

Pelihara perpaduan, tingkat ekonomi

Titah elak main isu kaum, agama

SHAH ALAM - Yang di-Pertuan Agong Sultan Ibrahim mengingatkan semua lapisan rakyat supaya menjaga keharmonian negara dan tidak memainkan isu sensitif melibatkan raja, kaum dan agama.

Baginda juga menitahkan kerajaan supaya merangka dasar ke arah perpaduan rakyat yang lebih kukuh untuk membentuk generasi masa depan yang bersatu padu dan saling memahami sejak kecil.

"Hubungan perpaduan antara kaum belum sempurna kerana masih ada generasi hari ini gagal menguasai baha-

sa kebangsaan dan memahami budaya hidup kaum lain," titah Baginda.

Seri Paduka bertitah demikian dalam titah sulung sebagai Yang di-Pertuan Agong dalam Istiadat Pembukaan Mesyuarat Pertama Penggal Ketiga Parlimen ke-15 pada 26 Februari.

Baginda juga mengingatkan semua pihak supaya tidak cuba menggugat atau mempolitikkan asas perlembagaan yang mengiktiraf Islam sebagai agama rasmi manakala agama lain boleh diamal.

Selain itu, Seri Paduka juga mahu kerajaan bersikap tegas bagi mem-

bendung ketirisan dan penyelewengan dana awam selain mengatasi isu kelemahan urus tadbir pada semua peringkat.

"Saya sendiri akan meneliti perbelanjaan kerajaan dengan lebih teliti dan memastikan setiap cadangan perbelanjaan adalah untuk perkara yang betul-betul diperlukan," titah Baginda.

Sultan Ibrahim juga berharap kerajaan memperoleh lebihan fiskal setiap tahun dalam tempoh pemerintahannya berikut negara dalam kedudukan defisit sejak 1998 selain beban hutang.

127,000 kunjungi Madani Rakyat

KUALA SELANGOR - Lebih 127,000 pengunjung termasuk anak muda menghadiri Madani Rakyat Zon Tengah di Kompleks Sukan Kuala Selangor sepanjang tiga hari program berlangsung sejak 23 Februari.

Menurut sekretariat pengangur, bilangan tersebut mengatasi sasaran awal 100,000 dengan Jualan Mega Madani, Agro Madani, kaunter perkhidmatan agensi kerajaan tumpuan orang ramai.

Penduduk berpusu-pusu ke lebih 163 reruai perkhidmatan kerajaan persekituan dan negeri untuk pelbagai urusan termasuk pemotongan nilai saman dan mendaftar skim pemberian air percuma.

Program keagamaan Selawat Darul Ehsan dan Solat Subuh Macam Jumaat

juga menerima sambutan baik dalam program kesinambungan kepada Setahun Bersama Kerajaan Madani itu tahun lalu.

Nur Alisa Najwa Nahar, 21, yang baharu tamat pengajian di Universiti Teknologi Mara (UiTM) Tapah antara anak muda yang ke program itu untuk mencuba nasib mencari pekerjaan sesuai.

"Saya tahu sekarang tidak boleh terlalu memilih kerja, sebab itu saya ke sini bersama keluarga untuk lihat mana-mana peluang supaya saya boleh cari pengalaman," katanya.

Mohammad Suhood Mustafa, 69, pulak ke Jualan Agro Madani untuk mem-



beli barang dapur yang menawarkan harga murah sekali gus membantu keluarganya berjimat.

"Saya berpuas hati pengajuran program ini kerana boleh mendekatkan masyarakat dengan kerajaan. Rakyat juga boleh tahu apa yang kerajaan buat," katanya.

Saiful Shahrin Abu Bakar, 38, pula mencuri perhatian ramai apabila menyertai acara larian santai dengan mengenakan kain pelekat ekoran baru pulang dari program Solat Subuh Macam Jumaat.

"Saya baru pulang dari masjid dan selepas itu tergerak hati pula mahu serta larian santai ini. Saya rasa seronok juga dapat pakai kain pelekat semasa lari, lebih selesa," katanya.



LAWAT... EXCO Infrastruktur Ir Izham Hashim (tengah) bersama Timbalan Setiausaha Kerajaan (Pembangunan) Dato' Johary Anuar (tiga, kiri) meninjau perkembangan projek Jeambat Bandar Saujana Putra, Kuala Langat pada 26 Februari. Foto MOHD KHAIRUL HELMY MOHD DIN

Arah semua PBT bertindak segera

Banteras tapak sampah haram

Oleh SITI ROHAIZAH ZAINAL

SHAH ALAM - EXCO Kerajaan Tempatan Dato' Ng Suee Lim mengarahkan pihak berkuasa tempatan (PBT) segera menyelesaikan isu tapak sampah haram di kawasan pentadbiran masing-masing.

Menjelaskan lebih 100 tapak pembuangan sampah haram dikesan di seluruh negeri antaranya Klang, Gombak dan Serdang, beliau mahu PBT sentiasa memantau masalah berkenaan.

"Pantau isu ini dari semasa ke sema-

sa dan jalankan operasi dengan terjah tapak pelupusan sampah ini. Jika perlu, ambil tindakan sewajarnya supaya isu ini segera selesai," katanya.

Suee Lim turut bercadang untuk meminda Undang-undang Kecil Majlis Kerajaan Tempatan bagi mengenakan hukuman lebih berat terhadap pesalah.

Sebelum ini, beliau bersama KDEB Waste Management, Majlis Bandaraya Diraja Klang, Lembaga Urus Air Selangor menyerbu tapak pelupusan sampah haram seluas lima hektar di Sungai Serdang, Kapar.

Mengulas serbuan pada 21 Feb-

ruari itu, beliau menjelaskan sebanyak enam operasi dijalankan di tapak pelupusan sampah tersebut termasuk menyita lori.

"Lebih 700 tan sampah industri seperti kabel dan plastik dikeluarkan sejak tiga tahun lalu. Kita telah serahkan notis 7A kepada pemilik tanah. Rampanan tanah dilakukan jika berdegil."

"Bagi memastikan isu ini tidak berulang, pihak penguat kuasa memasang kamera litar tertutup (CCTV) di tapak pelupusan sampah bagi memastikan kejadian sama tidak berulang," katanya.

60 keluarga terima barang sekolah

SHAH ALAM - Majlis Bandaraya Petaling Jaya (MBPJ) menghulur baucar bernilai RM300 kepada setiap 60 keluarga berpendapatan rendah untuk membeli pelbagai kelengkapan perskolahan.

Datuk Bandar Petaling Jaya Muhammad Zahri Samigon berkata baucar beli-belah kembali ke Sekolah itu digunakan untuk berbelanja di Pasar Raya Besar Mydin Subang Jaya pada 25 Februari.

Katanya, penerima terdiri daripada

penduduk berdaftar bawah eKasih yang mendiami Program Perumahan Rakyat (PPR) Kota Damansara, Lembah Subang, Petaling Jaya Selatan dan Desa Mentari.

"Sumbangan ini antara tanggungjawab khidmat sosial MBPJ kepada masyarakat untuk meringankan beban keluarga kurang berkemampuan atau mempunyai tanggungan anak bersekolah ramai," katanya.

Beliau menjelaskan program berkenaan juga berupaya membentuk mo-

dal insan cemerlang dalam pendidikan tanpa meminggirkan anak-anak berkecukupan berikutnya ketidakmampuan keuangan keluarga.

"Program ini menyokong Rancangan Selangor Pertama (RS-1) di bawah tema strategi 2 iaitu memperkasa sokongan kebajikan sosial yang disasarkan kepada kumpulan rentan."

"Ia juga menyokong inisiatif Bandar Mesra Kanak-Kanak dengan memberi hak kepada kanak-kanak untuk mengakses kepada pendidikan," katanya lagi.

Lulus 1,134 permit bazar Ramadan

SHAH ALAM - Majlis Bandaraya Shah Alam (MBSA) mengeluarkan 1,134 permit bazar Ramadan kepada penjaja tahun ini.

Pengarah Korporat dan Perhubungan Awamnya berkata 27 lokasi diseidiakan iaitu di Seksyen 6, 7, 8, 9, 13, 16, 17, 18, 19, 20, 24, 25, 27, 28, 35, U2, U3, U5, U8, U13 dan U20.

"MBSA juga menyelaras pengeluaran 936 permit bazar Ramadan di bawah pernajan pihak swasta, persatuan atau Majlis Pengurusan Komuniti Kampung (MPKK).

"Terdapat 12 lokasi yang diluluskan antaranya di Stadium Shah Alam Seksyen 13, Kompleks PKNS Seksyen 14, Seksyen 20, Seksyen U10, Seksyen U20," kata Mohd Azhar Mohd Sharif dalam kenyataan pada 26 Februari.

Beliau berkata permohonan permit tahun ini menggunakan sistem ujian dalam talian untuk meningkatkan pemahaman peniaga mengenai kriteria yang ditetapkan MBSA dan memupuk kesedaran mengenai penyediaan makanan dan minuman.

Jualan murah di Karnival Selayangku

SHAH ALAM - Orang ramai dijemput hadir ke Karnival Selayangku Sayang 2024 di Dataran Ilmu, Bandar Baru Selayang pada 2 dan 3 Mac.

Majlis Perbandaran Selayang (MPS) memaklumkan program anjuran bersama Menteri Besar Selangor (Pemerbadanan) dari jam 9 pagi hingga 10 malam menyediakan pelbagai kegiatan menarik.

Acara berkenaan antaranya jualan murah keperluan asas melalui Jualan Ehsan Rahmah dan barang persekolahan selain pemberian sayuran dan aiskrim percuma.

Turut diadakan pertandingan sukan rakyat, Raja Buskers dan kegiatan menarik untuk kanak-kanak yang menawarkan hadiah wang tunai.

Pemilihan pemain e-sukan 9 Mac

SHAH ALAM - Penjawat awam di negeri ini dipelawa menghadiri pemilihan peserta e-sukan Majlis Kebajikan dan Sukan Anggota-Anggota Kerajaan (Maksak) Selangor.

Menurut Majlis Perbandaran Kuala Langat (MPKL), sesi pemilihan iaitu kategori Fifa24 (solo/pertempuran) dan PUBG Mobile (berpasukan) diadakan jam 8 pagi pada 9 Mac di Kompleks Sukan MPKL.

"Semua penjawat awam yang berkhidmat di Selangor serta berminat dijemput menyertai sesi pemilihan pada hari berkenaan," maklum pihak berkuasa tempatan itu di Facebook.

Individu yang berminat boleh imbas kod QR pada poster sebelum 7 Mac manakala sebarang pertanyaan diminta hubungi talian 011-1882 0676 (Farhan) atau 010-763 9322 (Aswadi).

Media Selangor terima anugerah

SHAH ALAM - Media Selangor Sdn Bhd, media rasmi Kerajaan Negeri, menerima Anugerah Liputan Media Tertinggi 2023 daripada Majlis Agama Islam Selangor (Mais).

Anugerah tersebut disampaikan Pengerusinya Tan Sri Abdul Aziz Mohd Yusof bagi menghargai peranan anak syarikat Kerajaan Selangor itu dalam memberi publisiti kepada kegiatan Mais.

"Mais mengucapkan tahniah dan berterima kasih kepada semua pihak yang membantu menyebarkan liputan berhubung kejayaan, peristiwa dan aktiviti semasa Mais.

"Saya berharap kerjasama ini diteruskan, sekiranya ada fakta yang kurang jelas boleh berhubung dengan pihak korporat Mais bagi memastikan kesahihan maklumat," katanya pada 21 Februari.

Mais turut memberi sijil penghargaan kepada media lain antaranya Jabatan Kemajuan Islam Malaysia, Radio Televisyen Malaysia, Media Prima Berhad dan Astro Awani.

Selain itu, ialah Institut Kefahaman Islam Malaysia, TV Alhijrah, Sinar Harian, Berita Harian, Utusan, Bernama, Kosmo, Radio Selangor, Radio Klasik, Karangkraf dan penulis blog.

Sasar kutipan fidyah RM14 juta

SHAH ALAM - Majlis Agama Islam Selangor (Mais) yakin berupaya memperoleh kutipan RM14 juta bayaran fidyah pada tahun ini, bertambah RM1.5 juta berbanding sebelum ini.

Pengerusinya Tan Sri Abdul Aziz Mohd Yusof percaya angka tersebut boleh dicapai berikutan kejayaan mengutip RM12.5 juta sepanjang tahun lalu, mengatasi sasaran RM11.5 juta.

"Fidyah merupakan sesuatu yang dibayar untuk menebus diri, baik ber-

bentuk harta atau tindakan lain yang dilakukan kerana kekurangan dalam salah satu amal ibadah.

"Mais turut menyediakan kalkulator fidyah bagi memudahkan kiraan bagi yang keliru," katanya dalam pelancaran Kempen Bulan Kesedaran Tunai Fidyah Mais 2024 di sini pada 21 Februari.

Abdul Aziz menjelaskan kempen bermula antara 13 Februari hingga 11 Mac bertujuan memberi kefahaman dan kesedaran kepada masyarakat ten-

tang tanggungjawab melunas hutang fidyah.

Beliau juga menambah Mais bekerjasama dengan 298 rakan strategik agihan fidyah bagi membantu menyampaikan sumbangan fidyah secara terus kepada golongan memerlukan.

Katanya, fidyah boleh ditunaikan melalui Mais atau ejen dilantik seperti Lembaga Zakat Selangor, Malaysia E-Government, Bank Muamalat Malaysia Berhad dan Rakyat Trustee Berhad.

Sedia garis panduan baharu

Bantu 70 peratus tafifiz peroleh lesen

Oleh NORRASYIDAH ARSHAD

SHAH ALAM - Sekurang-kurangnya 70 peratus daripada lebih 300 maahad tafifiz swasta yang tidak berlesen di negeri ini akan dibantu

memperoleh kebenaran beroperasi.

EXCO Agama Islam Dr Mohammad Fahmi Ngah berkata Kerajaan Negeri menyediakan garis panduan baharu bagi memudahkan permohonan menerusi program pemutihan 2.0 pada Mac.

"Keseluruhannya ada lebih 500 pusat tidak berlesen. Pemutihan fasa pertama yang dijalankan tahun lalu, kita sudah bantu kira-kira 35 peratus pusat untuk daftar dan mendapat lesen.

"Sekarang kita sedang kemas kini pelan pemutihan 2.0. Mungkin ada pindaan atau kelonggaran syarat supaya semua pusat memenuhi kriteria dan mudah mendapat lesen daripada pihak berkuasa tempatan," katanya pada 23 Februari.



Dr Mohammad Fahmi berkata program bersama agensi kerajaan termasuk pejabat daerah dan tanah serta pihak berkuasa tempatan itu dibuat selepas sidang Dewan Negeri Selangor.

"Rancangan ini dibincang bersama Persatuan Institusi Tahfiz Al-Quran Selangor (Pitas). Proses juga mungkin mengambil masa terutama jika melibatkan isu tanah," katanya.

Pada 17 Ogos tahun lalu, pengurus Pitas berkata ham-pir 50 maahad tafifiz persendirian didaftarkan penuh selaras garis panduan pemutihan sekolah agama, yang dikuat kuasa Kerajaan Negeri mulai 1 Januari 2021.

Jelas Mohamad Hafiz Haneefa, pendaftaran lebih 300 pusat tafifiz dan sekolah agama akan dibuat berperingkat dalam fasa dua.

Waspada isu tular

SHAH ALAM - Umat Islam di negeri ini diingatkan berwaspada dan tidak mudah terpedaya dengan individu yang mengaku dirinya keturunan Nabi Muhammad SAW, kata EXCO agama Islam.

Dr Mohammad Fahmi Ngah berkata orang ramai perlu merujuk Jabatan Agama Islam Selangor atau Jabatan Mufti dalam isu Mawla Mohamed Amin Al-Hassani yang mendakwa dirinya cicit Rasulullah.

"Kita hidup pada waktu maklumat di hujung jari. Kita juga ada agensi agama Islam negeri untuk mudahkan masyarakat membuat aduan dan rujukan atau panduan mengenai perkara seperti ini."

"Andainya rujukan rasmi ini tidak dibuat, maka umat Islam akan mudah

diperdaya, dipengaruhi, dimanipulasi dan akan lebih taasub dengan pihak-pihak tertentu.

"Saya menyeru agar kita semua kembali kepada asas ilmu dan fakta agar kesucian agama Islam itu dapat dikekalkan dan dihormati," katanya dalam kenyataan pada 25 Februari.

Beliau juga menegaskan pihaknya tidak akan berkompromi pihak yang cuba menimbulkan keraguan dan fitnah dalam kalangan masyarakat Islam negeri ini.

"Kita akan bekerjasama dengan Polis Diraja Malaysia dan mengusahakan tindakan bersama dengan Jabatan Imigresen Malaysia untuk menghalang kemasukan anasir sebegini ke Selangor," katanya.

KENYATAAN TENDER						
Tender adalah dipelawa kepada kontraktor yang berdaftar dengan Lembaga Pembangunan Industri Pembinaan dan Pusat Khidmat Kontraktor/Kementerian Kewangan dalam kelas dan jenis pendaftaran yang berkaitan serta masih dibenarkan membuat tawaran buat masa ini bagi kerja/perkhidmatan berikut:						
PEJABAT YANG MEMANGGIL TAWARAN	NOMBOR TENDER TAJUK PROJEK	TARAF	SYARAT PENDAFTARAN	TEMPAT & TARikh DOKUMEN MULAI DIJUAL	HARGA DOKUMEN	TEMPAT, TARikh & WAKTU TENDER TUTUP
Bhg. Urusan Bahan dan Kontrak, JPS Negeri Selangor	JPS/N/SEL/S/1/2024 KERJA-KERAJA MEMBINA KOLAM TAKUNGAN BANJIR DI'RAWANG INTEGRATED BAGI MENGASTASI MASALAH BANJIR DI SUNGAI GONG, MUKIM RAWANG, DAERAH GOMBAK, SELANGOR DARUL EHSAN.	Bumiputera	Berdaftar Dengan CIDB Memegang Perakuan Pendaftaran Kontraktor dan Sijil Perolehan Kerja Kerajaan. Gred: G6 Kategori: CE Pengklhususan: CE21 & CE36 Kontraktor juga hendaklah berdaftar dengan Unit Perancang Ekonomi Negeri Selangor (UPENS)	Pembelian dokumen tawaran secara Online di laman web https://tender.selangor.my/ . Syarikat dikehendaki melampirkan salinan resit asal bayaran. Resit tersebut hendaklah dilampirkan di mukasurat hadapan dokumen. 7th MAC 2024 hingga 29th MAC 2024	RM 480.00 Penggarah Jabatan Pengairan Dan Saliran Negeri Selangor (Bayaran Secara Online)	Bhg. Urusan Bahan & Kontrak JPS Selangor, Tkt. 5, Blok Podium Selatan, Bangunan Sultan Salahuddin Abdul Aziz Shah, 40626 Shah Alam, Selangor 1st APRIL 2024 (ISNIN) Jam 12.00 tengahari
<p>Taklimat adalah DIWAJIBKAN pada 7th Mac 2024 (Khamis) Masa: 10.00 pagi.</p> <p>Tempat Berkumpul: Lobi, Pejabat Tanah, Daerah Gombak, Bandar Baru Selangor, 68100 Batu Caves, Selangor Darul Ehsan</p>						
Bhg. Urusan Bahan dan Kontrak, JPS Negeri Selangor	JPS/SEL/MK/2/2024 KERJA-KERAJA PEMERIKSAAN DAN PENELINGKARAN BERKALA SISTEM MEKANIKAL DAN ELEKTRIKAL PAM BERGERAK SERTA KOMPONEN LAIN YANG BERKAITAN UNTUK JABATAN PENGAIARAN DAN SALIRAN NEGERI SELANGOR	Bumiputera	Berdaftar Dengan Kementerian Kewangan Kod Bidang: <ul style="list-style-type: none"> • 130202 (Mesin dan Kelengkapan Khusus) • 210104 (Software/System Development/ Customization and Maintenance) • 220507 (Pump/Pipa Air Dan Komponen) Kontraktor hendaklah berdaftar dengan Unit Perancang Ekonomi Negeri Selangor (UPENS)	Pembelian dokumen tawaran secara Online di laman web https://tender.selangor.my/ . Syarikat dikehendaki melampirkan salinan resit asal bayaran. Resit tersebut hendaklah dilampirkan di mukasurat hadapan dokumen. 11th MAC 2024 hingga 2nd April 2024	RM 100.00 Penggarah Jabatan Pengairan Dan Saliran Negeri Selangor (Bayaran Secara Online)	Bhg. Urusan Bahan & Kontrak JPS Selangor, Tkt. 5, Blok Podium Selatan, Bangunan Sultan Salahuddin Abdul Aziz Shah, 40626 Shah Alam, Selangor 3rd APRIL 2024 (RABU) Jam 12.00 tengahari
<p>Taklimat adalah DIWAJIBKAN pada 11th Mac 2024 (ISNIN) Masa : 10.00 pagi.</p> <p>Tempat Berkumpul : Bilik Mesyuarat Bahagian Perkhidmatan Mekanikal & Elektrikal, Jabatan Pengairan dan Saliran Negeri Selangor, Jalan Sepat 17/57 Seksyen 17, 40000 Shah Alam, Selangor Darul Ehsan.</p>						
<p>Lawatan Tapak adalah DIWAJIBKAN kepada PENAMA di dalam Sijil Perakuan Pendaftaran Kontraktor (PPK), Sijil Perolehan Kerja Kerajaan (SPKK), PUKONA, UPKJ atau bagi pembekal yang berdaftar dengan Kementerian Kewangan. Hanya penama di Sijil Akuan pendaftaran syarikat yang boleh menghadiri taklimat. Syarikat TIDAK BOLEH mewakilkan pegawai selain daripada penama dalam PPK, SPKK, BPKU, PUKONA atau Sijil Akuan Pendaftaran Syarikat, Kementerian Kewangan.</p>						
<p>Dokumen Meja Tender boleh disemak dan dokumen tender boleh diperolehi di pejabat berkenaan pada waktu 9.00 pagi hingga 3.30 petang sahaja. Salinan resit pembelian hendaklah dilampirkan semasa pengambilan dokumen tender. Sila patuh SOP yang telah ditetapkan semasa proses pengambilan dokumen tender.</p>						
<p>Dokumen tender akan dikeluarkan kepada wakil-wakil kontraktor yang sah sahaja. Untuk maksud ini wakil-wakil kontraktor hendaklah membawa SIJIL ASAL PENDAFTARAN LEMBAGA PEMBANGUNAN INDUSTRI PEMBINAAN, PUSAT KHIDMAT KONTRAKTOR/KEMENTERIAN KEWANGAN DAN PENDAFTARAN UPENS SERTA SIJIL TARAF BUMIPUTERA PPK jika berkenaan dan satu SALINAN bagi sijil-sijil berkenaan semasa membeli dokumen tender.</p>						
<p>Petender boleh menyemak Jadual Tender yang akan dipaparkan di dalam website Jabatan Pengairan Dan Saliran Negeri Selangor selawat-lewatnya Tujuh (7) hari dari tarikh tutup tender.</p>						



CERIA... Pemain Red Giants bertemu peminat sempena pelancaran Kelab Penyokong Rynos Hulu Selangor di Pusat Latihan Selangor FC, Shah Alam pada 27 Februari. Foto Facebook Selangor FC

Akhiri kemarau 12 tahun keirin

Nurul Izzah raih dua emas acara trek

SHAH ALAM - Pelumba trek wanita negara Nurul Izzah Izzati Mohd Asri meraih emas kedua dalam Kejohanan Berbasikal Trek Asia (ACC) di New Delhi, India pada 26 Februari.

Kayuhan bertenaga pelumba berusia 20 tahun itu membolehkannya menguasai acara 500 meter (m) ujian masa dengan catatan 34.388 saat (s) sekali gus menebus kekecewaan dalam kejohanan sama di Nilai, Negeri Sembilan tahun lalu.

Pingat perak dimenangi pelumba Korea Selatan, Hwang Hyeon-seo

yang mencatat 34.802s sementara Luo Shuyan dari China meraih gangsa dengan masa 34.958s.

Pengarah Teknikal skuad berbasikal negara John Beasley melihat Malaysia mempunyai peluang cukup cerah untuk mencipta kejuaraan dalam acara keirin wanita pada masa akan datang terutama di pentas Olimpik Los Angeles 2028, lapor Berita Harian.

Pada 25 Februari, Nurul Izzah Izzati Mohd Asri menamatkan kemarau 12 tahun tanpa emas negara acara keirin wanita menewaskan pelumba China

Tong Mengqi yang merangkul perak.

Seorang lagi pelumba negara Anis Amira Rosidi melengkapkan kedudukan podium menerusi pingat gangsa dalam saingan di Velodrom Indira Gandhi.

Kali terakhir Malaysia memenangi emas keirin wanita pada edisi 2012 di Velodrom Cheras, Kuala Lumpur menerusi Fatehah Mustapa.

Sebelum ini, Nurul Izzah meraih perak dalam acara pecut berpasukan wanita pada 21 Februari diikuti gangsa acara pecut pada 23 Februari.

'Mickey' impi raih anugerah Puskas

SHAH ALAM - Penyerang kebangsaan Faisal Halim menyimpan impian jaringan terbaik Piala Asia 2023 yang dilakukannya dicalonkan ke Anugerah Puskas FIFA.

Beliau yang dikenali dengan panggilan Mickey mengakui tidak meletakkan harapan tinggi walau gembira atas kejayaan jaringannya ketika menentang Korea Selatan diumum gol terbaik kejohanan selepas meraih 85 peratus undian.

"Pada saya kalau gol saya ini dicalonkan ke Puskas (FIFA) cukup besar sebenarnya, ke anugerah cukup besar. Tapi saya sebagai pemain amat berbangga

kalau disenaraikan.

"Untuk menang sudah tentu jauh sekali dalam anugerah itu, tetapi rezeki kita tak tahu. Saya dah menang untuk Piala Asia (gol terbaik kejohanan) ini pun sudah bermakna untuk saya."

"Ia satu anugerah terbesar dalam hidup saya dan memori ini akan saya ingat sampai bila-bila. Saya rasa Puskas itu saya tak nak fikir sangat, saya tak nak fokus sangat. Fokus saya sekarang untuk pasukan kebangsaan dan kelab saya," katanya seperti dilapor Berita Harian.

Mengulas lanjut kejayaan mengatasipemain bertaraf dunia dalam aksi terakhir kumpulan E, Faisal mengakui tidak

menduga memenanginya sama sekali.

"Sudah tentu tidak sama sekali, saya tak pernah menjangka saya dapat mengatasi pemain yang hebat, nama-nama besar. Ini semua rezeki, atas usaha saya dan rakan-rakan saya yang membantu."

"(Terima kasih) semua rakyat Malaysia dan jurulatih pasukan kebangsaan, jurulatih Kim (Pan Gon) dan semua yang terbabit dalam membentuk saya, membantu saya untuk menjadi pemain terbaik."

Malaysia pernah menggemparkan dunia apabila memenangi Anugerah Puskas 2016 menerusi sepakar percuma jarak jauh Faiz Subri yang dikatakan melawan hukum fizik.

TNB julung trofi Liga Hoki Malaysia

SHAH ALAM - Tenaga Nasional Berhad (TNB) mengakhiri penantian 21 tahun untuk merangkul kejuaraan Liga Hoki Malaysia (MHL) 2024 selepas membela JM Antsbees 22-1 di Stadium Hoki Nasional Bukit Jalil, Kuala Lumpur.

Kejuaraan keenam itu mengulangi pencapaian sama pada 1990, 1991-92 (bertanding sebagai Kelab Kilat), 2000-2001, 2002 dan 2003, lapor Bernama.

Jurulatih Nor Saiful Zaini mengakui kehadiran pakar pukulan sudut penalti Korea Selatan Jang Jong Hyun banyak membantu dalam mengubah rentak permianan pasukan.

"Kita harap dapatkekalkan momentum ini dalam aksi Piala TNB sampai akhir. Kita tidak sasarkan gol sebenarnya, kita nak main seperti mereka sebagai pemain kebangsaan," katanya pada 27 Februari.

Cheng Hoe galas tugas di Thailand

SHAH ALAM - Selangor FC (SFC) akan dibimbing jurulatih baharu selepas Tan Cheng Hoe mencapai persetujuan bersama untuk menamatkan kontraknya serta-merta.

SFC dalam kenyataan menjelaskan keputusan Cheng Hoe untuk meninggalkan Red Giants bagi menggalas tugas sebagai ketua jurulatih sebuah kelab di Thailand.

"SFC juga sudah menerima bayaran pampasan berdasarkan kontrak beliau. SFC ingin berterima kasih kepada Cheng Hoe atas usaha dan sumbangan beliau untuk kelab ini dan mengucapkan selamat maju jaya pada masa hadapan."

"Nidzam Jamil kini dilantik sebagai ketua jurulatih sementara dan pada masa yang sama, pihak pengurusan kelab akan menjalankan proses pemilihan terperinci bagi melantik ketua jurulatih yang baharu," katanya pada 28 Februari.

Gelaran dunia kelapan Liek Hou

SHAH ALAM - Jaguh badminton para negara Cheah Liek Hou merangkul gelaran dunia kelapan di Kejohanan Badminton Para di Pattaya, Thailand pada 25 Februari.

Pemenang emas Paralimpik Tokyo 2020 itu menewaskan pemain Indonesia Deva Anrimusthi 21-15, 16-21, 21-15 dalam perlawanan akhir kategori SU5, lapor Berita Harian.

Sebelum ini, pemain berusia 36 tahun itu turut meraih kejayaan sama pada edisi 2005, 2007, 2011, 2013, 2015, 2017 dan 2022.

Liek Hou turut cemerlang menjuarai acara beregu kategori sama bersama gandingannya Muhammad Fareez Anuar menewaskan pasangan India Chirag Baretha-Raj Kumar 21-17, 21-18.

**ANFAAL SAARI****Taman Templer**

menanam pokok ketika merasmikan Kebun Komuniti Taman Cemerlang, Gombak

**DATUK JOHAN ABD AZIZ****Dusun Tua**

menyampaikan baucar kembali ke sekolah di kawasan DUN beliau

**ONG CHUN WEI****Balakong**

meninjau keadaan sekitar sekolah menengah di kawasan DUN beliau

**SYED AHMAD ALHADAD****Lembah Jaya**

mewatuh kaunter Padu di Dewan Taman Sri Raya, Ampang Jaya

**ABBAS AZMI**
Seri Serdang

meraikan penerima baucar persekolahan di Kampung Tengah, Subang Jaya

**PREAKAS SAMPUNATHAN****Kota Kemuning**

bersama peserta bengkel jahitan kreatif di Taman Sri Muda, Shah Alam

**IZUAN KASIM**
Kota Damansara

meninjau program pembuatan roti jala di Surau Al-Mubarak, Petaling Jaya

**PUA PEI LING**
Bukit Lanjan

mendengar taklimat bengkel kraftangan di DUN beliau

Mahasiswa dapat komputer riba

SHAH ALAM - Penuntut institusi pengajian tinggi (IPT) di Dewan Undangan Negeri (DUN) Kota Anggerik bersyukur menerima sumbangan komputer riba dari Menteri Besar Selangor (Pemerbadanan) atau MBI.

Pelajar tahun satu Universiti Teknologi Mara (UiTM) Muhamad Adam Zarkasyi, 22, berkata bantuan itu membantunya belajar dan menyiapkan tugas.

"Saya amat memerlukan peranti ini memandangkan komputer riba saya



telah rosak. Sumbangan ini akan membantu proses pengajian saya dalam jurusan Pengurusan Hotel.

"Saya berterima kasih kepada MBI atas pemberian bermakna ini termasuk Pusat Khidmat DUN Kota Anggerik yang membantu saya membuat permohonan," katanya pada 26 Februari.

Majlis penyerahan peranti kepada 11 pelajar daripada keluarga berpendapatan rendah (B40) disempurnakan wakil rakyat Najwan Halimi dan Ketua Tanggungjawab Sosial MBI Ahmad Azri

Zainal Nor.

Pelajar tahun akhir jurusan Multimedia Nooratiqah Batrisyia, 21, berharap sumbangan berkenaan dapat membantunya memperoleh keputusan cemerlang.

"Peranti ini boleh membantu saya dalam menyiapkan tugas bagi subjek yang diambil menerusi kursus Multimedia.

"Ia memandangkan saya terpaksa bergantung komputer riba lama saya yang tidak menyediakan kemudahan 'software' (perisian) terkini. Saya sangat hargai sumbangan MBI ini," kata penuntut Universiti MAHSA, Petaling Jaya.

Lebih 300 buat saringan

Pupuk kesedaran jaga kesihatan

Oleh SHEEDA FATHIL

SHAH ALAM - Lebih 300 individu menyertai Karnival Kesihatan Rahmah anjuran Dewan Undangan Negeri Batu Tiga di pekarangan Masjid Al-Ubdiiyyah, Seksyen 19 di sini, kata wakil rakyatnya.

Daniel Al-Rashid Haron berkata pengisian program antaranya pemeriksaan tekanan darah, gigi dan mata secara percuma termasuk pembukaan kaunter pendaftaran Iltizam Selangor Penyayang.

Menurut beliau, program julung kali

itu bertujuan memberi kesedaran kepada masyarakat berhubungan kepada kesihatan dan mendapatkan nasihat pakar.

"Sambutan menggalakkan meski kali pertama dianjur dan kita bercadang mengadakan karnival ini tiga kali setahun supaya lebih ramai cakna dengan tahap kesihatan mereka.

"Kita turut memberi cermin mata percuma kepada 10 individu terawal bagi meringankan beban terutama kepada golongan berpendapatan rendah," katanya pada 25 Februari.

Program itu turut mendapat kerjasama Klinik Baharuddin Shah Alam, Dentistry For The Needy, Cerah Optique, World Vision Optics dan Islamic Dental Association of Malaysia.

Peserta saringan Mariyani Yusof, 45, tidak melepaskan peluang mengunjungi karnival sedemikian untuk mengetahui status kesihatannya.

"Setakat ini, saya sihat sahaja dan tidak sejarah penyakit. Saya harap lebih ramai mengambil cakna isu penjagaan kesihatan terutama golongan muda," katanya.

jaan sampai kepada rakyat.

"Program pertama ini menerima maklum balas positif peserta. Kita akan teruskan termasuk membuat latihan kemahiran kandungan media sosial bagi menarik perhatian ramai," katanya.

Perasmian program pada 22 Februari anjuran Pejabat Dato' Menteri Besar disempurnakan Speaker Dewan Negeri Selangor Lau Weng San.

juran negeri mahupun wakil rakyat.

Warga emas Goh Kiat Eng, 72, hadir bersama suami, anak dan cucu mengakui kali pertama berkunjung ke program sambutan Tahun Baharu Cina itu.

"Bagus acara seperti ini diadakan dapat lihat semangat muhibah seperti ini libat kaum Cina, Melayu dan India. Semoga inisiatif ini diteruskan lagi pada masa akan datang," katanya.

Zainal Nor.

Usaha ringan beban penuntut IPT

SHAH ALAM - Sumbangan komputer riba oleh Menteri Besar Selangor (Pemerbadanan) atau MBI kepada pelajar institut pengajian tinggi (IPT) meringankan beban ibu bapa berpendapatan rendah.

Wakil rakyat Kota Anggerik berkata penyerahan 11 unit peranti itu antara usaha pusat khidmat Dewan Undangan Negeri dengan kerjasama anak syarikat Kerajaan Negeri untuk menyokong pembelajaran anak Selangor bermula dari sekolah rendah hingga ke IPT.

"Dasar negeri amat menitikberatkan pendidikan. Justeru, sumbangan ini diharap meningkatkan kemudahan pembelajaran. Saya harap sumbangan ini dapat dimanfaatkan sebaiknya untuk belajar dan menamatkan pengajian dengan cemerlang."

"Saya hargai keprihatinan MBI terhadap keperluan pelajar, memandangkan mereka yang melanjut pengajian memerlukan peranti ini untuk menyiapkan tugas mereka," kata Najwan Halimi pada 26 Februari.

Empat doktor jaya program khatan

SHAH ALAM - Seramai 37 kanak-kanak menyertai program khatan sempena Karnival Kesihatan Rahmah di pekarangan Masjid Al-Ubdiiyyah, Seksyen 19 di sini.

Ahli Dewan Negeri Batu Tiga berkata pihaknya berbelanja RM3,700 bagi menampung kos pakej khatan dengan kerjasama empat doktor dari Klinik Baharuddin Shah Alam.

"Program ini dibuat bersesuaian dengan cuti persekolahan dan Alhamdulillah kita terima penyertaan menggalakkan daripada peserta seawal usia tujuh hingga 12 tahun."

"Program ini juga bertujuan membantu ibu bapa yang berpendapatan rendah selain mengeratkan lagi hubungan kita dengan penduduk," kata Daniel Al-Rashid Haron pada 25 Februari.

Agih 1,000 kampit beras untuk B40

SHAH ALAM - Syarikat makanan kucing Misha menyumbang 1,000 kampit beras lima kilogram kepada penduduk berpendapatan rendah (B40) sekitar Dewan Undangan Negeri (DUN) Pelabuhan Klang.

Wakil rakyatnya Azmizam Zaman Huri menjelaskan sumbangan tersebut bertujuan meringankan beban penduduk dalam berdepan kos sara hidup serta keadaan ekonomi yang tidak menentu.

"Ini usaha yang sangat dihargai kerana penduduk sememangnya memerlukan bantuan ini. Hampir setiap hari kami menerima permohonan keperluan makanan daripada penduduk."

"Simbolik penyerahan disempurnakan pada 17 Februari kepada 30 penerima. Baki 970 kampit beras akan diagih dalam masa terdekat," katanya pada 22 Februari.

100 pegawai pejabat DUN sertai kursus

SHAH ALAM - Seratus pegawai daripada 34 pejabat Ahli Dewan Negeri (ADN) dan 14 pejabat penyeiaras Dewan Undangan Negeri (DUN) menyertai program latihan pemanfaatan pengurusan dan komunikasi.

Setiausaha Politik kepada Dato' Men-



teri Besar Saifuddin Shafi Muhammad berkata program tersebut bertujuan menambah baik komunikasi sekali gus meningkatkan mutu perkhidmatan.

"Kita ambil maklum balas melalui sesi turun padang yang dijalankan sebelum ini dan ia menjadi pencetus idea pelaksanaan program bagi memastikan dasar kera-

jaan sampai kepada rakyat.

"Program pertama ini menerima maklum balas positif peserta. Kita akan teruskan termasuk membuat latihan kemahiran kandungan media sosial bagi menarik perhatian ramai," katanya.

Perasmian program pada 22 Februari anjuran Pejabat Dato' Menteri Besar disempurnakan Speaker Dewan Negeri Selangor Lau Weng San.

juran negeri mahupun wakil rakyat.

Warga emas Goh Kiat Eng, 72, hadir bersama suami, anak dan cucu mengakui kali pertama berkunjung ke program sambutan Tahun Baharu Cina itu.

"Bagus acara seperti ini diadakan dapat lihat semangat muhibah seperti ini libat kaum Cina, Melayu dan India. Semoga inisiatif ini diteruskan lagi pada masa akan datang," katanya.

jaan sampai kepada rakyat.

"Program pertama ini menerima maklum balas positif peserta. Kita akan teruskan termasuk membuat latihan kemahiran kandungan media sosial bagi menarik perhatian ramai," katanya.

Perasmian program pada 22 Februari anjuran Pejabat Dato' Menteri Besar disempurnakan Speaker Dewan Negeri Selangor Lau Weng San.

Sambutan pamer semangat muhibah

AMPANG JAYA - Rumah Terbuka Tahun Baharu Cina Parliment Gombak di Pusat Konvensyen Melawati di sini meriah dengan kehadiran 1,500 tetamu pelbagai lapisan masyarakat.

Pesara Zainal Abidin Awang Chik, 71, yang merai majlis tersebut dengan berpakaian tema perayaan berkenaan.


"Baju ini saya beli sejak tahun lepas lagi dan kebetulan masih muat saya pilih untuk pakai hari ini bersesuaian dengan



sambutan itu.

"Program melibatkan semua kaum seperti ini amat bagus dan ia dapat merapatkan jurang masyarakat meski berbeza bangsa dan agama," katanya pada 24 Februari.

Kakitangan swasta G Kavitha, 32, tidak pernah melepaskan peluang untuk meraikan sambutan perayaan an-



Ikuti siaran langsung sidang Dewan Negeri

SHAH ALAM - Orang ramai boleh mengikuti siaran langsung persidangan Dewan Negeri Selangor (DNS) ke-15 menerusi selangortv.my/ dan Facebook MediaSelangor.

Persidangan selama 10 hari di Bangunan Annex di sini sehingga 11 Mac dirasmikan Duli Yang Maha Mulia Sultan Selangor Sultan Sharafuddin Idris Shah Alhaj pada 27 Februari.

Laporan setiap hari ucapan dan perbahasan wakil rakyat juga boleh diikuti melalui portal selangorkini.my.

Laporan berita boleh dibaca melalui akbar dan portal Selangorkini. Ia juga bakal dimuatkan dalam tiga edisi lain termasuk Mandarin, Tamil dan Inggeris.

RM13,000 hadiah debat Piala Dato' MB

SHAH ALAM - Pelajar institusi pengajian tinggi dan prauniversiti dipelawa menyertai Pertandingan Debat Piala Dato' Menteri Besar Selangor yang menawarkan wang tunai keseluruhan bernilai RM13,000.

Acara anjuran Jawatankuasa Tetap Pendidikan dan Modal Insan Negeri itu terbahagi dua kategori iaitu institusi pengajian tinggi yang menawar hadiah RM8,000 dan prauniversiti (RM5,000).

Program antara 8 hingga 10 Mac di Pusat Pembangunan Kemahiran Teknikal Selangor (STDC) Kuala Selangor itu dijadual berlangsung dalam format Sistem Parlimen British.

Imbas kod QR untuk mendaftar dan syarat pertandingan boleh diperoleh di www.facebook.com/pejabatsuksselangor/posts/936998204474756

Pilihan MB Selangor menang bergaya

KUALA SELANGOR - Pasukan bola sepak pilihan Menteri Besar (MB) Selangor mewaskan pilihan MB Perak 3-0 dalam aksi persahabatan di Kompleks Sukan Kuala Selangor di sini pada 25 Februari.

Dato' Menteri Besar Dato' Seri Amirudin Shari membantu pasukan mendahului 1-0 menerusi umpanan yang dijaringkan pemain sayap kebangsaan Faisal Halim.

Jaringan kedua pasukan dihasilkan penyerang muda Selangor FC 2 Aliff Izwan Yuslan diikuti gol Shahrom Kalam yang lengkapkan kemenangan 3-0. Pasukan veteran Selangor turut mengatasi veteran Perak 2-0.

Koordinator perlawan Syafiq Iqmal Fozi berkata perlawan sempena Program Madani Rakyat Zon Tengah bertujuan merapatkan ukhuwah antara pemain dan bekas pemain termasuk individu kenamaan.



PESTA GOL...

Pemain Tenaga Nasional Berhad (TNB) melepas kawalan pemain JM Antsbees (kiri) dalam perlawanan terakhir TNB Liga Hoki Malaysia di Stadium Hoki Nasional Bukit Jalil, Kuala Lumpur pada 27 Februari. TNB muncul juara selepas menang besar 22-1. Foto Facebook Malaysian Hockey Confederation

► BERITA MUKA 21

Empat cemerlang guna bahasa Melayu

PBT negeri terbaik taraf lima bintang

Oleh **ABDUL RAHIM SABRI**

KUALA LUMPUR - Empat pihak berkuasa tempatan (PBT) di Selangor diiktiraf terbaik menggunakan bahasa Melayu dalam urusan rasmi menurut audit Dewan Bahasa dan Pustaka (DBP).

Shah Alam, Ampang Jaya, Kuala Langat dan Sabak Bernam mendapat pencapaian tertinggi dengan lima bintang dalam Sistem Penarafan Bintang Bahasa Kebangsaan PBT, umum ketua pengarah DBP.

"Program audit bahasa dilaksanakan untuk menilai tahap dan mutu penggunaan bahasa Melayu dalam urusan

rasmi yang melibatkan dalam dan luar negara," kata Dr Hazami Jahari pada 28 Februari.

Berucap dalam Wacana Penegasan Bahasa Kebangsaan di sini, beliau menjelaskan audit bahasa dibuat berdasarkan beberapa dokumen penting, antaranya Pekeliling Perkhidmatan Bilangan 1 Tahun 2020: Pemerkasaan Penggunaan Bahasa Kebangsaan dalam Perkhidmatan Awam.

Lima PBT di Selangor mendapat empat bintang: Petaling Jaya, Subang Jaya, Klang, Sepang dan Kuala Selangor. Sementara selebihnya Selayang, Kajang dan Hulu Selangor mendapat penarafan tiga bintang.

Selain PBT, audit bahasa antara 2013 hingga 2023 juga menilai mutu penggunaan bahasa Melayu di peringkat kementerian, agensi, jabatan, badan berkanun, syarikat berkaitan kerajaan dan bank.

Pihak yang mendapat lima bintang seperti berikut: Kementerian Komunikasi dan Multimedia, Kementerian Perusahaan, Perlادangan dan Komoditi, dan Kementerian Wilayah Persekutuan.

Suruhanjaya Pencegahan Rasuah Malaysia, Bank Negara Malaysia, Majlis Sukan Negara, Institut Terjemahan dan Buku, Jabatan Bomba dan Penyelamat, Jabatan Biokeselamatan, serta Jabatan Kesenian dan Kebudayaan Negara turut meraih pencapaian tertinggi itu.

Empat atlet ikon berbasikal negeri

PETALING JAYA - Atlet muda sukan berbasikal negeri berazam membuktikan kejayaannya dalam bidang itu termasuk pelajaran, sesuai dengan status sebagai Ikon Berbasikal Selangor (CSI).

Muhd Fahmi Saharil, 18, yang sedang menduduki Sijil Pelajaran Malaysia (SPM) berkata kedua-dua bidang terbabit sama penting khususnya dalam menentukan masa hadapan yang cerah.

"Saya masih ada lagi kertas peperik-

saan SPM yang akan dihadapi tetapi dalam masa sama masih meneruskan latihan sukan basikal minimum dua jam setiap hari pada hari biasa.

"Pada hujung minggu, saya berkayuh selama empat jam. Saya amat meminati sukan basikal sama banyak seperti saya suka ke sekolah," kata anak kelahiran Klang itu.

Bagi atlet Yong Ann Tung, 19, beliau mahu menggalas tanggungjawab sebagai ikon dan membuktikan kejayaannya

menerusi pungutan pingat dalam Sukan Malaysia (Sukma) Sarawak tahun ini.

Anak bongsu daripada tiga beradik ini turut meluahkan rasa gembira dan berbangga kerana bakatnya dihargai Selangor Youth Community (SAY) dan Majlis Sukan Negeri (MSN) Selangor.

"Sasaran saya seterusnya untuk menjadi juara trek berbasikal Malaysia pada Mei ini atau sekurang-kurangnya merekodkan masa peribadi terbaik," katanya.